

舟居士詩稿

四明張氏約園開雕

序

清初吾浙有東西兩抱皆盧氏藏書最富姚與鄧同處浙河以東姚稍偏西則吾鄧爲東抱也吾鄧起抱經樓者乃青崖先生而月船先生其從姪也蔣樗庵旣爲誌墓又爲立傳其致董小鈍書謂司教平陽士不學古來見輒以經史語之因知隨地俱可小試蓋惜之也黃東井爲其女夫乾隆壬子春搜篋衍所錄詩付之梓日月船居士詩稿凡四卷墓誌著錄曰南北遊草寂吟草者是否卽此無可攷先生爲人靜穆寡言笑口不雌黃人

月船居士詩稿序

一四明叢書

約園刊本

物其詩高處逼柴桑自少偕同里楊爾音遊蒐討僻書奇字又從史雪汀學研經史最後得雙韭之傳學凡三變卒底大成顧其著述不自收拾多散佚嘗注陳壽三國志於古今州郡沿革山川險要犬牙錯壤明析如繪惜爲東井之子桐孫攜往粵東未及刊厄於兵燹今其稿無存全謝山曰天下好書未必盡傳爲任松鄉言之也先生之書毋乃類是壽鏞旣得斯稿於伏跗室固知未足盡其長然卽此亦可見謝山所謂五行並下一日可盡數卷其學固有不可及者矣若夫抱經藏書之由

來難曰青厓而實先生成之剗剗既竣書以爲序民國
二十四年十二月後學張壽鏞

用船居詩稿序

二四明鏡書
約園刊本

鄞縣志本傳

盧鎬字配京號月船

錢志

父培從學仇兆鼈陳錫嘏律身

嚴整事後母以孝聞

李昌昱撰培傳

鎬少奇穎偕同里楊爾音

遊好蒐討僻書奇字未幾棄去從史榮研究經史既又

執贄全祖望門下

蔣學鏞撰墓志

祖望每歲客遊假大江南北

藏書家鈔本捆載至數百冊而返鎬與諸同學遞閱之

錢志

而鎬五行竝下一日可盡數卷

全祖望撰范鳴穿中柱文

由是貫

穿百氏乾隆十八年舉於鄉

錢志

赴南宮試秦蕙田王鳴

盛號稱博雅見鎬皆以畏友待之禮闈分校者爭欲得

月船居士詩稿

一四四書

鎬而卒不售

墓志

謁選授平陽學教諭

錢志

平陽士習荒陋

不知學古諸生來見鎬輒以經史語之

蔣學鏞答董小鈍書

習爲

之變

家傳

丁外艱歸治喪悉遵禮經居外舍三年不入

內室內室檐前垂筠簾偶至中庭簾外語不入簾內也

家傳未幾得噎症時方修邑志猶日就局中主張條例檢

閱諸文獻書病革時其友蔣學鏞過視之氣愀愀猶拏

帷相對商酌舊志異同得失之處次日卒

錢志

年六十三

家傳鎬爲人靜穆寡言笑

兩浙輶軒錄

口不雌黃人物

黃定文跋月船

詩鈔聞黃宗羲萬斯同之學爲浙東人士推重

滿陽山房詩話其

詩高處逼柴桑

董秉純撰
月船詩序

書法秀勁喜作畫必在醉後

鏡下作之秃筆焦墨興盡卽已聽人取去有嘲之者曰

畫正宜如此作也

逸山
清話

子澧字芑塘諸生工詩畫竝得

家學

採訪

月船居士詩稿

傳

一

四明藏書

紉園刊本

盧月船墓誌銘

同學弟蔣學鏞撰

吾友月船逝世其子禮乞予爲誌余惟古人有云人必相及也而後能相知必相知也而後能相爲言余自揣不逮君遠甚其何足以誌君而禮以君同學僅余在固請不已不獲辭案君姓盧氏諱鎬字配京別號月船浙之寧波府鄞縣人先世自東陽遷定海之金塘明嘉靖間始徙居郡城小江里曾祖諱章祖諱兆昌父諱培號春亭曾祖妣錢氏祖妣周氏徐氏妣陳氏君少奇穎未冠補諸生試輒冠其曹然不屑以經生業自限從師取

用船居士諱稿墓誌銘

一四明叢書

約園刊本

友其學凡三變而卒底於大成初偕同里楊爾音遊好蒐討僻書奇字未幾棄去從前輩史雪汀研究經史爲根柢之學旣又嫌其未博介其友執贄全謝山先生門下因得讀所藏書先生歲出遊時邗上馬氏叢書樓武林趙氏小山堂牙籤甲天下每借祕本捆載以歸諸友聞先生至盡集各分攜數十帙而去閱畢彼此互易而君最精銳目五行下日可畢十數卷識解尤超絕一覽卽能穿穴其閒先生目爲高第弟子其後君南遊金陵北抵都下所至必訪求經史遺佚及宋元明文集之未

經流布者遂涵茹一切登癸酉賢書赴南宮試秦學士
蕙田王學士西莊號稱博雅見君皆以畏友待之禮闈
分校者尤爭欲得君而卒不售公車凡十上授平陽縣
教諭君以父年高不欲就春亭公強之不得已之官久
之將陳情而春亭公之訃至奔歸自以爲大恨日戚戚
因得疾服闋方補授而君已不起生於雍正癸卯十月
二十二日卒於乾隆乙巳五月初一日年六十有三所
著詩日月船居士詩稿初娶張氏繼娶董氏馬氏子四
禮其長也次渭先君卒次沂次泗女三人長適饒平知

月船居士詩稿

墓誌銘

一四明叢書

約圖刊本

縣黃定文次適范上卿次適洪德鏞余初侍謝山先生
講席卽肩隨君閒與考據今古君第就分閱書相劇論
不及其他先生沒君留京師予獨就郡中儲藏家搜索
古籍踰年君歸以新得相叩則君罔勿淹貫余以所交
皆通人又京師積書之林其聞見非余可比迨君赴學
博任平陽僻陋少學者行篋不能多攜而吾鄉後進多
收購異書吳中書估歲必再三至凡余聞而未見之書
居什之二三予得窮十年力沈酣其中後因君讀禮之
暇一一舉似而君歷取諸書之異同得失與余剖印余

不禁爽然蓋君爲人蘊藉不欲矜余以所不知前後傾吐祇隨問隨答其中之所有余迄不能測也君平生不甚著書詩古文辭又懶於收拾今所存僅一斑獨其學冠絕同時而余舛陋不克相發明然卽余之所不能測者而君之學亦概可知矣銘曰

不事表襮宜所造之邃也無多撰述慮其名之晦也河汾弟子君其最也余不足以表君後有知者信師傳之勿愧也

序

余友盧月船之亡後四年余歸自西秦其子澧捧所遺詩集請選定且爲之序余受而讀之旣歎其詩之美而於余之身重有感也嗚呼是胡可以不序月船之詩其官平陽以前余所見蓋十之五六其高處直逼柴桑其步險韻長歌亦不減眉山遺山一流世之人皆能言之不待余爲表揚也惟余輩疇昔侍謝山先生先生所策厲期許及朋輩自相敦督不勝指計今故墨具在如月船斯集誠不負先生而余自反慙慙此則執筆泫然而

月船居士稿序

一四明叢書

約園刊本

不能已者也方乾隆甲子乙丑閒謝山先生初除服舉眞率社放筆爲詩歌古文詞鄉之後進得窺見著作先君鈍軒先生始命余兄弟執質已而張兄望槎范兄冬齋及月船朝夕過從而蔣三蛾野四檇菴固先生中表弟也凡余輩有所請及先生指授學統之源流經術之醇駁史案之異同古今文章之盛衰正變無所不有而望槎月船警敏而精悍冬齋縝密樛菴沈潛蛾野佐之以泛濫余則黽勉廁諸子之後月船以元清容學士舊視餉先生先之以長歌先生和之有綠鬢盧郎才思雄

之句又成五律四章命諸子同作有蓄翁如不怠阡陌
豈難尋之句及冬齋天折先生哭而爲之誄兼及月船
一篇之中屬望不啻再三而月船心摹力追掉鞅接轡
余雖踣躄蹙蹙慙負先生而月船之期余者於余安州
之行曰相期千載事莫負平生言余遷秩秦安寄詩曰
千載相期士殘黎藉幹才雜詩如有擬應寄故人來之
句時去易篋僅十日耳月船之於余何如哉今余之歸
也故人多老死存者唯一樗菴方各出所有相印證極
歎二十年來之精進足以慙余又以序月船詩追念疇

月船居士詩稿序

一四明叢書

約園刊本

曩師門友席觸目興悲涸轍高源望洋歎絕故不多及
月船之詩之工但述余之自愧爭迭無盡然因余之愧
而月船之詩之工固不待言已同學弟董秉純小鈍甫

月船居士詩稿總目

卷首

序 墓誌銘

卷一

五言古詩九十三首

卷二

七言古詩二十三首

卷三

五言律詩二十七首

用船詩稿總目

七言律詩六十九首

卷四

七言絕句一百四十五首

卷末

書後詩 蔣跋 蓬山清話 黃跋

月船居士詩稿卷一

清鄭 盧鎬配京撰

五言古

邱氏古樹詩十章

以樹從何代有人
與此堂高爲韻

古樹詩成集已將百年友人新齋居京師持果
堂先生所作記徧求名人續題既得金陵侯啓
叔詩以示予予愛侯詩詞義俱古以向有約於
新齋未之踐也因卽侯詩所用韻作十章以答
詩中以前後題詠既多不復鋪敘舊聞聊以遣

用船居士詩稿 卷一

一四明叢書
約圖刊本

懷申勛新齋已爾

東郊有喬木舊事吾能數握手與君交十年不得句秋
風吹薊門鏡暗葉如雨感我異鄉人正題故鄉樹

故鄉富山水古樹多龍礎太白既有柏典午尙有松惜
哉金石幹而乃異教從曷若託世家正直生敬恭

敬恭夫如何凜凜千載多威儀古禮樂德容高嵯峨時
見青衫孫翩翩好絃歌籬門深夜清鑿火交霜柯

霜柯覆石壇佳話自前代况經滄桑屢扶疏益可愛閱
世氣厚蟠雲霧濼澗其下有孫枝青蔥搖玉珮

玉珮何珊然似之唯其有密密抱冬心濯濯笑春柳一
朝來京師鏘鳴羣雅藪慎哉保靈根勿羨聲華茂
聲華必刊落涉世貴守真灼灼敷晨葩飄飄委路塵能
居冠蓋域氣與深山親他年歸去來庶勿慙先人
先人有敝廬與君隔江渚雖鮮松竹林亦足蔽寒暑我
欲偕君歸晨夕一樓與樓上安書史樓前種禾黍
禾黍正芄芄時序忽如此同君作客來年年去鄉里舊
殖日荒落逢迎深可恥翹首望典型南雲冠桑梓

桑梓雲蒼蒼君家接棟塘昔多隱君子衣冠會高堂

月窟居士詩稿

卷一

一

四明叢書

約園刊本

眉映霜雪撫樹歌慨慷海內諸宿老各各有篇章
篇章孰繼美侯生今詩豪擺落時俗調勸君陳義高頗
思大江東六朝多松濤我亦經娑娑因之心鬱陶

九日同滙川斐廬登陶然亭晚飲滙川邸中主人

感懷賦古詩二十韻因依韻和之

孤客悲深秋萬里作重九掩卷出門去側弁登高阜紛
紛廣陌塵衣冠走羣醜黃菊問誰家朱門徒有酒且就
城西隅古竈曠林藪是日風景澈寒潭映霜柳了了太
行脊層層露深厚南橫江淮雲禾黍正棲畝竚想萊蕪

遜兄弟同聚首如何違白頭空使啼黃口遠望不當歸
醉歌拍銅斗男兒輕出門徒誇好身手貧賤貴相保富
貴夫焉有南枝與北風昔語今記否六合雖浩蕩人生
愛儕偶惟君傷鴈行哀詞出羣白眉山恨終天聯牀約
難守離合古皆然良辰且鼓缶

再和

王臣蹇六一高尙蠱上九出處有攸宜升沈異川阜野
人慕仕宦東鄰女乃醜古來恬淡士所以唯縱酒嗟予
性寡諧麋鹿志林藪懷古惟嵇阮側身在夷柳讀書可

月船唐士詩稿卷一

三四明叢書

約園刊本

終老所得亦既厚胡爲來京華惘然離畝畝珊瑚拂釣
竿夢寐常掉首飢驅向人閒及門先掩口幸此佳節會
從君沾升斗霜風任帽敬持螯在左手陶然入醉鄉他
鄉夫何有天地一遽慮窮達任可否山川到處好勿羨
滯土偶苦作思鄉語亦復落窠臼但當車馬塵不喪饑
餓守澁澁秋波深江湖一樽缶

除日滙川表文以和東坡歲暮三詠見寄因同賦
之

孤客當歲除往來鮮相佐秦邸存敝裘蜀守誰寄貨紛

紛廣陌塵空舍獨覺大牀頭米窖虛牆角長瓶臥明朝

無質客何妨塵滿座靜聞鄰寺僧午院閒斲磨

京師僧寺以除

日斲故人憐寂寞詩筒遠來過此贈不可虛喜爲援筆

和右饋

久遊不得歸翻悵歲月遲及此年華晏又恨不可追憶

昔揚吳舫春風正無涯燕台看積雪竟爾度四時可憐

影伶俜誰知兒瘦肥青紅競時節羈縻能勿悲卻喜明

年歸甘與今年辭但恐歸去日家人驚鬢衰

右別歲

流光不可駐首尾交龍蛇剎那復剎那一念不可遮駿

月船居士詩稿

卷一

四四明叢書

約園刊本

馬忘勒轡危坂知奈何乃以茲夜長明鏡競喧譁轟轟

爆竹聲聞雜漁陽拋雞鳴接羣動車馬橫路斜百年愛

一夕安能久蹉跎唯餘年歲增堪與年少誇

右守歲

重七後二日同人集佑聖觀賞荷用謝山先生賈

巖看梅韻和董小鈍作七首

騎馬遊薊北塵土苦冥冥南歸臨汶水頓覺雙眸明閒

有蕭蕭陂疏柳映清冷船窗日飽飯臥對漁舟橫佳趣

一充足名心已嚼冰而況故鄉好復此人跡清

懷中刺漫滅世態已飽更愛此故鄉樹好鳥相和鳴亭

亭數朶花待我如拊楹遮以松竹秀配之蘭蕙馨清風
一披拂偃仰皆有情使我茅塞胸豁似秋空晴

董公眞健者豪氣蓋四溟看竹豈問主哦松不負丞對
花忽追昔惻愴懷平生賦或因鄰笛詩非世上名嗟哉
細湖旁同好如晨星非君仰醉翁孰與慰孤零

城南紫清觀昔日花熒熒賦詩觸奸相眾醉嫌獨醒大
暑焦金石水面偏娉婷想當角巾歸寒芒吐圍亭坡坵
餘舊跡景物翳荒荆吾鄉有正學無負花前盟

昔侍雙非軒君我各鬢青又有張與范意氣皆軒騰人

用船居士詩稿

卷一

五四明叢書

約園刊本

亡不可作學失難稱庚當年所纂述至今多未成故宅
空荷花綦跡蒼苔盈努力慰故人莫畏衰態呈

東林有勝侶社以白蓮稱行吟澤畔客集裳標騷經古
來高尚士豈爲俗慮縈嗟予居湫隘市聲填戶局焉得
秋水闊種花滿前庭花香雜几格著述完生平

直幹放章偃好句似陰鏗地旣添勝跡花亦加寵靈更
有諧英妙鮮華過五陵銜杯相唱酬笙竽已滿聽而我
鳴孤絃思附求友聲敢云張偏師五字攻長城

和淵明飲酒詩二十首

癸未重陽前五日寶墨齋觀祝京兆和陶飲酒
詩真蹟燈下無聊聊追和

淵明飲酒詩昔人喜和之而我不解飲亦遇有醉時束
髮窺書史天道信若茲曠蕩滄海波一粟忽自疑何以
全其天深仗酒力持

秦火燒已盡著述還如山此舌若尙存寧肯敝陳言不
朽茫無據一醉甘千年試看痛飲人間亦百世傳

昔人常有言處世貴近情惜哉但近情亦恐無遠名盤
辟善鄉曲豈不虛一生轟飲動天地始令豪士驚且問

月峯居士詩稿

卷一
六十四明齋書

約園刊本

不飲徒究竟何所成

此身忽如鳥南北常飛飛逐隊雖自愧差免局縮悲山
河入壯觀几案空所依纍纍經九原寧必誰與歸古來
多聖賢幾曾混與衰但能存浩然天地不我違

四體倦投牀忽覺魂夢喧披衣坐西窗月色正西偏冷
冷耳目表黑影如頽山此性驟無始此夕乃一還涼風
吹空林回首忘三言

亭毒賦眾形眾形各有是瓦釜亦任鳴黃鐘終不毀在
彼慣俗士放言聊爾爾我有纍布暖寧必賤錦綺

晶晶天宇高夜氣舒爲英彼其萬籟響物豈喜自鳴天
機無所待強作徒勞生空齋攬四壁洞悉羣動情置書
笑勿讀引壺還獨傾昔人避浮雲堯舜無可驚事業尙
如此文章況小成

種果落其實種花貪其姿花實滿園林鳥來鳴高枝吾
魔苟足悅奚必山川奇但當多置酒與物安無爲摩崖
記遊跡亦復爲名羈

應龍升空虛橐籥若洞開深秋隨俯蟄風雨卷諸懷乃
知至神物不能與天乖古來洞鑿士所以恆卑棲魚蝦

舟船居士詩稿

卷一

七十四明鏡閣

約園刊本

混茫茫一例蔽以泥但於呼吸中能與天倪諧一朝雷
電怒晦冥乃勿迷閒居熟念此每日飲數回

達士務大略曲士守方隅東南苟不誤縱橫歸一塗按
轡可徐至奚事汲汲驅古人貴多能詩酒閑有餘況我
窮巷士抱影正獨居

吾愛陶靖節作詩獨知道東坡一世士亦惟愛此老文
人多矜張晚始愛枯槁淺語達性情卽目覺皆好譬如
粟水味金玉不足寶斯意難索解茫茫撫八表

大河生洪波正及揚舫時中流自俯仰高詠秋風辭昔

人當遊覽山川亦若茲今古不相及斯言吾其疑但勿蹈陳迹徒爲耳目欺獨往而獨來佳趣時得之

林中有一士喧寂無二境萬古付曲肱熟睡亦醒醒吾生慕其人趣味或偶領彼哉平原客觸事求脫穎日月當空虛不勞鐙燭炳

今日忽不愜出門何所至歸還就書史不飲亦獲醉古人續續來我生忽及次安能千載後遙遙知我貴所賴同趣人前後聯臭味

長卿公侯門仲蔚蓬蒿宅出處俱偶然正似雪中跡古人乃不苟一步慎千百不如竟縱酒洞觀日月白秩秩兩跳丸終古焉止息

登山必五岳學文必六經好學與好遊蹉跎兩無成回頭思既往幾多寒暑更窗明忽窗暗日月逝戶庭撫牀屢歎息負此雄雞鳴百年再不飲誰復移我情

炎夏愛涼飈窮冬避朔風風行本無定人情寒暑中至人善趨時所以與化通應醉且就醉得失任楚弓

蹉跎忽四十於道茫無得問我胡爲然歧路多眩惑大道如直弦人心自通塞惟有醉鄉寬賢愚同一國庶以

娛我生免使悲淡默

南方稱早衰四十非強仕況復仕與止其權不在已常情羨仕宦不免鄧禹恥何如種桑麻歲時對鄰里篇章無擇言甲子亦懶紀杖策行空山堂堂任舉止黃河屢遷流泰山何足恃

壺頭困馬援谷口隱子真更有劉阮徒處世唯飲醇古來磊落人各各面目新品格獨標舉寧屑西帝秦末世尙雷同相競揚其塵無鹽慕西施刻畫徒辛勤試思解飲人寧必杯杓親何事空酣歌負此鹿酒中我作飲酒

月船居士詩稿 卷一

九四明叢書
約園刊本

詩慎勿輕示人

南郊觀穫歸和昌黎秋懷十一首

麻麥何芃芃禾黍復蕤蕤志士懷百端一飽萬事已今年大有秋枷板聲滿耳我偶適田家欣然爲早起淡旭映黃雲高下一色似排雲鮮插羽御風阻塵軌尋常阡陌閒見之輒色喜

物理無貴賤乘時見榮悴林臥有秋士鴻毛等天地笑看空中雲得風便奇恣片時何有鄉了無一可異所以古人云貴者徒自貴

一燈照繩牀聲色屏柔曼生平愛讀書此外唯飽飯誤
被世網驅牽率喪所願譬如不善飲一醉誤眾勸毫芒
迷太山得失且倍萬對此秋光清歷歷高下獻升沈皆
白取老死復奚怨

黃鵠翔天地翩翩雲中凌腐鼠豈嚇鷄逐臭乃成蠅一
念苟徇俗照鏡覺可憎誤哉媚世子到處皆模稜喪我
而求欲譬彼木上習枉道豈有得英俊死多能

月落蛩吟孤露零鶴夢警壯懷感髮短長謠送夜永草
廬隆中葛貨畚長安猛幽藏有大用深汲戒短綆華榮

用船居士詩稿卷一

十四明讀書

約園刊本

誠足羨覆拙乃至幸秋山有幽林心跡甘雙屏

至人常尸居金水抱內景閉目守黃寧神庭光炯炯得
時自爲帝雞壘與桔梗凜凜冰霜懷舉足敢高騁金籥
有眞師吾將從此請

騎陽能幾時驟此秋日暗草木自萎黃風霜孰能憾我
愛潏水清魚蝦俯可瞰眼前無徂物竟體覺閑淡靜夜
攤竹素筆墨肆汎濫疑義畜之久解頤得諸暫俗慮苦
填膺船釘復加纜剖腹洗五臟秋月相對勘萬鍾不足
願而況石與儼

陋巷嫌湫隘窮士無高軒
階對秋菊仰視秋雲奔奔
雲自馳蹶菊花淡無言
須臾四周淨南山突當前
蒼翠媚晴吳秀色真當餐
結茅有夙契翼得完殘
編焉得松樹萬間以梅花
千山林大富貴誰可譏
窮酸不見希夷叟華山長
晏眠龍圖數點易昭垂億
萬年

枯魚失西江相泣濡沫乾
鳳儀固清遠飢亦待琅玕
貪士正須貴惜哉欠面團
不見蘇季子上空長安嗜
好殊竽瑟物議恆波瀾文
章僅逢世不如奔與丸姓
名記碌碌雄哉彼跨鞍

用唐居士詩

十一 四初 續書

約圖刊本

小船進浦激颯颯枯蒲聲
半夜轉大江一片波光明
斗柄倒垂芒天象潔而誠
火淨露氣白金壯風濤盈
樹枝相擊夏兩岸如戈兵
造物愛陽豔到此難爲榮
循環有自然起伏誰汝令

郭外千百山遠林映之好
解衣盤礴士相看忘昏早
筆墨有靜緣清機妙相保
濡染遇得意亦藉慰枯槁
於世豈有補誰謂非其道

北上過無錫遊惠山秦園和東坡用唐人韻三首

雨氣淡羃羃山色深蒼蒼
滂然停乳液浮此幽人堂
宿

昔披卷軸今茲身翱翔蘿徑宛舊識晚照生清光朱欄
初月映綠藻春泉香江南徧遊歷此境不可忘

風日正閑美慰爾征途人亭樹既古茂泉石彌清新緬
想唐宋賢佳句磨不磷把袂惜已遠步履追遺塵嗟哉
功名士一葉飛秋旻焉能捨之去耳聽車鄰鄰

倚牖過梁溪側首望林樾長愛郭外山隔溪真秀絕恨
不隨白鷗煙波任明滅經遊雖偶然新年又新月欲作
竟夕留榜人苦催發始羨方外人曠然廢途轍

和同年鄭蓉湖夜坐原韻

用船居士海稿卷一

十一 四明叢書
約園刊本

東山斂餘暉巖壑媚幽夕言登君子堂張燈敷牀席廣
論及竹素靜話亦坦白清風送遠鐘寶主形神釋詰且
貽瓊篇追踪池上客盧淡景物閑音和性情適何以報
兼金永望西南益

蓉湖與余同出漪氏喬坦修先生門先生令蛟川
歲乙亥秋蓉湖至蛟川余偕蓉湖及年丈王渭
厓同登候嵩山觀海蓉湖年逾弱冠余亦方氣
壯相與屢屨巖日洶湧興極豪也忽忽二十年
先生既沒於長沙司馬任而渭厓亦已下世俯

仰今昔爲之悵然因再和夜坐原韻

秋風卷長濤魚龍嘯日夕振奇登虎豹遙天沒帆席君
我各鬢青豈知有頭白俯仰二十年人事幾冰釋故我
各依然寒瓊同作客幸有山水幽得以諧所適唱和莫
辭頻好句還請益

連日甚有雨意爲西北風吹散遣憤偶書亦昌黎
訟風伯之意云爾

正欲行夏雨颯然來秋風浮雲一吹散四野蕭條空農
夫失所望桔槔難爲功田枯河亦竭禾黍何由豐是皆
由風伯先時欲獻功只圖天公笑不顧愚民窮我欲訴
眞宰誅殛投四凶力微不得達舉筆書憤衷

倪九山自瑞安過訪留宿黃篋舫別後用舫字韻
作詩見懷依原韻和之

鄙人畏塵事所樂惟閑曠幸茲山水窟聊以避塵障唯
恨知心違春樹永相望鬱鬱蓬蒿委歪斜誰倚仗畫夢
正癡迷君忽牽帷帳數年憑積胸一旦得縱放有如天
上坐春波擁船舫又如涸轍魚頓乘萬里浪此樂未可
喻幾欲傾家釀翩然竟辭去悵悵失所向徒訂後日遊

南北兩鴈宕空留筆墨緣花木餘景狀九山爲子足音作畫數紙
雖可喜歡悰終未暢何時其卜居泉石作家當雨笠與
宵鐙無勞乘雪訪相逢人世閒還覺塵容抗

和九山遊孤嶼原韻

好山隔一水風便半日還乃以蹉跎過七年忘躋攀徒
然說台宕意欲窮險艱好友適會晤興發杯酒閒翩然
攜童冠趁此晷刻閒東風吹浪花送棹艤江灣一徑入
玻璃翠色四面環疏梅淡著姿紅桃綴斑斑是日天氣如春桃有香花
窳堵波巧矗兀突超禪關金梯一登眺遠海開心

用船居士詩稿卷一

十四四明叢書
約園刊本

顏歡笑愜平生而不干異患何必效鴟夷扁舟弄潏潑
初夏與張潛也顧清芳清濟清標徐鳳來管余諸
生遊菴湖集護法寺以茂林修竹清流激湍分

韻得茂字 井序

菴湖林壑之美不減蘭亭初夏風光之好卻勝
春暮集同人而觴詠借佛寺以徜徉樹遶扶疏
不必吾廬亦可愛鶯啼修竹豈其無伴獨相求
穿石質之玲瓏恍入烏衣之壘燕洞窠弄珠璣之
錯落真如馬乳之懸謂葡萄泉旣策杖以披雲乃歸

舟而載月僕久客無聊唯思山水友朋之樂當
引入入勝能無仰觀俯察之情詩括八韻興紀
一時庶美景良辰既可無慙於往躅而清漪修
竹亦不蕪沒於空山云爾

香草生幽澗世外匿深秀曲曲尋湖源冀以覲柔茂時
當夏景交眾山紛綵縟遠水中姿淡淡獨微有因造
松竹林歡焉酌醇耐村濃深綠浮座寂繁絃奏沈吟各
支頤散策羣引脰檻泉弄珠琲石屋蔭華構日永任游
衍源遠失窮究

欲尋新龍潭上
清隱菴不果

好月送歸舟餘霞橫翠

用船居士請稿

五十四明叢書

約園刊本

岫回首白雲深幾時重邂逅

又得清字

陂水既瀾漫林木方鮮榮舉目苟有得皆足移我情況
茲賓朋佳兼以山水清癯詠既酣適林壑恣閒行逍遙
盡永晝月照歸途明始知山中樂遠勝人間名

薌林寺觀雙瀑因登馬潭菴

叢叢眾綠陰皎皎雙白練空山寂無人天半獨明絢我
思尋其源攝衣凌峭蒨盤旋危磴窮泉石乃平行曲可
流杯觴淺僅照顏面波紋方細漾咫尺掛雷電乃知至

人心抱一千萬變

潛也招賞荷花二首

孤松數竿竹丈室無纖埃主人讀書暇正值荷花開因
招意中客舉此池上杯不須愁酷暑冰雪方盈懷
北山吐微靄翳此西日曛地遠屏器逐野風揚清芬態
從物外潔鼻向靜中聞何必曲江上千頃誇紅雲

題莪亭新詩舊夢圖

循吏與佳士如鳥翼雙輔寥寥絃歌聲此事幾千古錢
公宰吾鄞門庭鮮俗客西郊有范子向亦恥干謁偶以
翰墨緣姓名遂得通皎皎白玉姿影入冰壺中公暇貽
長歌侑以數枝雪用心澹如此吏治豈僅儗范子豐六
副定足慰知己一朝展卻垂天雲與公香名滿人耳

錢竹初明府招賞菊分韻得佳字

士以本性貴物以天然佳使君出山來素心仍煙霞藹
藹百里內雨露深桑麻閒以松桂林愛種黃金花花開
略點綴不用錦幙遮蕭蕭四五客素髮或鬢髮清樽映
疏鐙屏去筆琵琶世人亦好事徒知競豪華紅裙羅羶
葷紛然列奇葩譬如屈高士使摻漁陽搥當筵反見琴

竊恐花神嗟何意入朱門宛在處士家幽襟淡相對竟
坐無喧譁夜深花覺醉露形翩翩斜酬之乏好句惟見
手頻叉

莪亭以摺扇畫冊假余披覽因囑弁數語戲用莪
亭題子鏡下所作畫原韻以資一笑

古今急流中不住過奔馬觀此百摺扇伊人誰在者而
其天機新如初落墨寫何必臻長年是卽仙人也

竹初明府招集縣齋賞菊分韻得佳字借用六麻
韻奉酬而明府頗謂非古人因難見巧之意因

月船居士詩稿卷一

十七四明藏書

約園刊本

再賦

春花亦自豔乃愛秋花佳南山意悠然妙在無安排主
人拘簿書聊借申幽懷種種揀細色疊疊堆官齋或白
如玉冠或黃如金釵或赤如吐日或紫如佩綯或如美
人舌或如老僧鞋或如姚魏並或如姊妹偕燦爛勝蜀
錦嬌豔失吳娃欣賞未云足招邀集朋儕有燈光敵畫
有酒長如淮故事徵雅令新韻拈詩牌皎皎風露清歡
樂真無涯而我思往事曾踏槐巾街頗憐幽人姿未免
塵沙埋有句寫鄙抱幸勿譏類俳

京邸對菊有草橋種
爾想經年槐市風塵

亦可憐競向擔頭覓顏色誰知籬下白蟬娟
之句西莊王開學見而歎賞刊入苔岑集

一從罷西

笑尋芳徧巖崖長嘯十餘年素志惜終乖誰會造化意
護花到根荳今夕是何夕吐氣霜中階醉語多感激焉
得金石諧菅蒯如不棄乞墨加磨指

錢塘學中三樹詠

殿前萬年松

秦岳通精靈泗波被溟泐畜此百代材肅肅臨殿斑
剝類禮器端莊儼冠弁細韻雜金絲奇光鬱雷電

樹根時吐

光古風雖榛蕪汝猶飽聞見英爽憑大儒魁傑像碩彥

月船居士詩稿

卷一

十六四明叢書

約園刊本

萬松闕久荒九里林空羨惟有俎豆傍春秋獨蔥蒨

齋前孤柏

孤幹少附枝直竦去天握離離冠鮮翠絕頂翳鸞驚根
疑膏脂空影射日月促正當東西齋典型臨誦讀其下
似雲仍叢叢羅械樸成材庶可圖變化知難學古人手
植初敢以神奇卜疊疊歲月深離羣乃不覺

後圃黃楊

厄旣當盈虛地復鄰荒僻儼然虎豹蹲負嶮張怒魄苦
心相糾纏細葉吐光澤沃漑逾百年蒼翠纒數尺速化

知爾難得寸輒自力遂此柔韌材格與松柏敵春風桃李可賞玩稀履舄獨有灌園翁摩挲撫今昔

題檇菴近稿後

遠寺送霜鐘菜几淨文練客枕誦新詩知心勝知面吾友雖善病詩思足驅遣譬如初眠柳憔悴含春絢又如空中雲姿清乃善變百年斯道衰雅風誰更扇愛此細湖水詞源恣瀕灔願君增其源蛟龍鬱雷電願君揚其波春雨洗蔥蒨而我似枯魚濡沫向石研三徑有佳人雙韭懸一綫庶慰泉下魂茫茫後死眷

用船屠士詩稿

卷一

十九四明叢書

約園刊本

曉見玉倉山雪

南雁紀遊

擁褐道士房微霰集竹柏浙瀝喜入耳甘受冷到骨徘徊循階除春陰黑如漆天風吹長雲刮磨出皎月一片玉毫光玲瓏透巖穴生平厭喧卑思守夜氣訣蹉跎迫桑榆負愧腸內熱茲宵頗清快夢影絕牽掣端坐到星殘曉峯見遙雪

贈南村館中同學諸弟

維南有崇山樹木枝相樛上有白雲樓下有清泉流一鳥從北來息影良悠悠山中眾鳥雀得侶欣相投日出

同翻飛日夕同夷猶歲月未云幾一鳥思遠遊翩翩復
北去六翮不可留眾鳥失所依相聚鳴號愁願爲眾鳥
言夫豈啄粟謀鵬鷁各有適焉能守一邱汝曷奮羽毛
奮焉觀九州何必戀故巢且暮徒啁啾

偶書示諸生

朝出城南遊鐵工朝鍊鐵暮從城南歸鐵工暮鍊鐵吾
儕廢學遊鐵工心不易鍊鐵成堅鋼吾心似頑石吁嗟
學道不如工偶然書此自警惕

登仙華峯

用昭唐士詩稿

二十四明鏡書
約園刊本

我入浦陽境恍似桃花源路轉洪公橋林木增芊緜數
峯特秀拔兀突當我前狀如芙蓉花灼灼出水鮮翠色
沁肌膚十里擡頭看與人前致辭是名仙華山上古有
少女曾來烹金丹丹成騎龍去遺下碧玉簪晴明試登
眺望盡四百灘聞名久畜念乍睹絕世妍到縣卽遊山
山遊此最先寒天易蹙縮人事多遷延時憑樓閣窗縹
緲窺神仙茲當初陽暖階闥清且閑平明喫飽飯健僕
選兩三快步出郭門有似馬脫銜梅花看村落溪橋聽
潺湲松林得初級舉步漸覺難半里蹙一歇數歇達寺

門寺雖牢落甚牀席可少安橐中出果餌佐以茶薜甘
重裘各脫盡祇著布衫單杖策入雲窟川原縱遐觀前
路轉欲逼漸跡垂巖間頭壓將崩石足臨無底淵攀藤
手拄頰取笑山中猿鑽盡五丁道纔出一線天有洞卽
平坦奇巧類雕鑄瓊瑤雜華穰雲露飄寶幘花臺供石
主爛然金碧繁點點太古雪苔蘚雜爛斑惜未攜鋤鋒
古篆鏤噴岬洞前羅碎壁筆筆皴范寬端巖秉象笏離
立排衙官殷紅帶錦纈嫩綠披松杉頓覺忘險絕周目
恣游衍精神強抖擻更上第一巖颯飈所縮腳命作鐵
索懸足力無著處兩掌信有權後人頂前趾前人踏後
肩聳身向空際倏上萬仞端耳目四開達一息徧八埏
羣山鳥翕服眾壑堪縈盤浙河之東西指點可了然天
風吹濛濛日色含蒼煙茫茫邊際合但露峯一尖孤巖
獨掣去搖蕩波中船欲留畏淒清欲下愁險艱寸寸目
花眩步步魂膽寒卻願來時路探頭不敢覘遇絕或狂
叫得下羣乃謹歸途迫曛黑新月趁彎彎醉眠牀上夢
遮眼青琅玕因思此山僻賞玩多名賢方吳暨柳宋題
詠垂不刊西臺慟哭客藥壺亦流連我來恨時晚不得

相周旋可幸雲煙幻而不改山川茲遊攬秀傑實足慰
肺肝畫囊須屢易紀勝聊成篇尙期襍被來幽討恣盤
桓往哲可乞靈庶其啓我頑

大梅紀遊

梅仙巖

南昌有仙尉上書排闥傳聞在此山丹爐守漢臘鸞
鶴來吳門龍性固難狎

梅峯

梅以調鼎鼎材亦供梁椳修虹飲鑑波罄足負蘭渚一

月船居士詩稿卷一

三十四明叢書

約園刊本

木獨飄然橫江飛風雨

仙人井

愛此叠叠巖斗束清泉奔旣供仙人汲亦養蛟龍尊閑
來挹飛雪細嚼萑莆根

保福院

維那何精進鍊性絕人境荷葉青松花色相嫌未淨客
夢佛燈前新月林中定

鄭忠定墓

謝公愛東山安晚意猶是爭墩學荆舒荒壠駉劔履翁

仲對殘陽遺恨元祐美

大石柱

石丈峭且尊松蘿被纓帶窈窕自天然書庫語近怪我
向空中獨下米顛拜

南雁紀遊

西洞 卽仙姑洞

天憐絕世姿寶珠補茅屋鑿此丹翠崖聊以棲幽獨其
上垂藤蘿其旁多松竹

浸芋盂

月岩唐主詩稿卷一

三四明藏書

約園刊本

寧可廢糧食不可廢紡績泠泠一盂水中有十指跡寄
語世上人神仙豈安逸

大石梁

架竹風嫋嫋度杠石鑿鑿天半互虹梁倏爾達寥廓旣
可高著眼何妨大著腳

月牖 亦名透天洞

峭壁圍銅牆懸崖無鐵鎖仗此一隙光自牖通天座恐
驚地上人不敢輕咳唾

連環洞

誰將玉連環戲向空中擲得無綴飛霞或以鎖明月我
來穿玲瓏無從解其結

東洞

一名道士洞穿洞而北爲會
文書院故址隔溪有棣萼樓

受業伊川門築室鴈山麓正學叶墳饒大賢仰芳躅隔
溪兩書舍淵源誰似續

採藥徑

攜鋤尋蒙密我豈求延齡不忍空山秀凡草同飄零採
之貫蕙帶彌覺添芳馨

五色杜鵑林

月船居士詩稿

卷一
約園刊本

四明杜鵑花我曾見五色今來此山中聞名花未識臭
味可同否惆悵意何極

鯉魚灘

泠泠清溪水中有蛟龍姿凌風可飛去乃戀水石奇長
留一片園時動鱗之而

月船居士詩稿卷一

月船居士詩稿卷二

清蘊 盧鎬配京撰

七言古

蕪齋聞里中陶生奕三得雲在樓遺書喜而作詩
予聞雲在樓中書散失已久生所得蓋千百之
什一爾然殘編斷簡正自可寶緝粉社之舊聞
望先型之不替作長歌以貽同志

我記昔年遊東溪石廩千丈高突兀云是神君書寶庫
雲篆蟲符靚恍惚乃知丹山赤水奇仙人亦爲藏書窟

月船居士詩稿卷二

一四明藏書

下論人閒著錄家淵源終當溯諸葛

越州諸葛氏藏書後歸吾鄉見施武

子紀

抱殘南竄李易安好事遠復來巾幗

易安曾擊所遺至奉化

其時史袁樓鄭豐朱門正當聲赫奕接棟連葢覆卿雲

十州樓閣橫東壁寒煙喬木久淒涼池館餘址猶可識

厥後東明司馬家中薨甬州相匹敵三百年來手澤新

劫火獨逃六丁扞穎川侍御性好奇宦橐惟將購金石

相望鰲峯與石倉

鰲峯徐興公藏書處石倉則曹能始也

浙河閩山鼎足

立公子翩翩更擅才二酉四庫大充斥雙瀑爲師石園

友侍御名朝輔其子名同亮師事黎洲先生而友季莖諸君

醒吟遺文爲補刻

黃文傑公

百鍊向無是本公子爲補
刻理度紀要醒吟黃自署云胡不及百年多過眼煙雲

易飄瞥遺臺唯見石嶙峋欲問襟囊僅毫末陶生苦心
與購求片羽角麟正可惜韻事流傳到國都邱君作詩

紀歷歷把君詩卷不忍讀何異山陽感鄰笛雙非太史

當生前文章海內推爲伯小山之堂武林趙氏叢書樓馬氏

來往經年僕纔輯歸舟繫纜月湖傍定見長虹貫斗極

我與冬齋急往索百軸千箱共鑿鑿太史從江南歸必攜馬趙二氏祕本

與子及冬齋讀之冬齋亡友范冲一卽今師友盡淪喪光陰半向風塵擲

十年未讀一卷書異本登架夫何益太史多祕書身後半歸余而年來以

見船居十稿卷二 二四明叢書 鈔圖刊本

僕僕道途竟未曾一讀陶生綠鬢抱英資嗜古兼聞有氣力甬上

先賢如有靈冥冥應知喜動色我聞天一閣上藏半從

萬卷樓中得天一閣藏書多豐考功萬卷樓故物陶生恢廓不肯已竹湖

重見瑯琊集邱君與我速南歸可許連牀娛晨夕

同年江眉居歛硯歌次原韻

昔悲剡溪藤今悲端溪石杜詩韓筆見幾曾斲盡玲瓏

水底脈由來神物識顯晦山靈早已藏真魄十年閱過

燕市中長嘯歸來袖空碧江君何處得歛精黃山之雲

浮滿席寸田遙吐萬松煙欲與人閒書竹帛光芒長燭

斗城邊蹉跎仍伴青衫戾江君作歌李君和此硯隱然
重拱壁濛濛溼霧幾摩挲欲賦淒然難落墨君不見琉
璃之匣翡翠牀盤鳳雕龍光赫奕又不見蛟螭蝕齧野
火燒荒山幾度遭霹靂物無貴賤隨所遇石不能言任
白黑五都巧匠工磨礪好醜緣知質可易吁嗟乎安得
古硯逢古人奇材勿向風塵擲

捐鹿

用館課原韻

天山萬騎呼風肥雲旗八月搖玉妃沈沈列幕息鼓擊
帳前鹿人頭角頤影潛野稌引領晞悄然聲作林岫微

用船居士詩稿

卷二

二四明叢書

紛閣刊本

麋鹿俟俟羣來歸僕姑突飄黃金羈壯士紅鞵腰虎皮
挺而急走忘危險曳尾犄角生致奇伐狐擊兔因縱馳
陣雲欲收猶烏疑舉燿飲醇二軍怡書生聞此動心脾
戎裝短劔思與齊朔雪颯颯風淒淒彼犬善走鷹善飛
陳力亦足備山蹊兩耳生風火出鼻快馬大勝策疲驢
吾欲投筆佩鸛鶴生擊不怕黃獐啼笑傾其血紅玻璃

唐司馬道士竇鑑詞

被褐子居京師依婁真人鈔撮道藏至國字函
載司馬承貞製鑑進朝始未甫鈔竟出門遇持

古鑑求售者觀之與道藏圖象照合寶而畜之
同年查比部神其事爲之作序求諸同人賦詩
開元天子當全盛曲江相公奏金鏡六宮妍影生玉臺
相公金鏡徒塵埃維時清溪一道士五銅鍊得清如水
萬象倚伏照太空高懸欲上華清宮神仙用意非恍惚
自有精心烹日月塵霾霧暗孰更知仙曹習筆曾記之
是誰負局來都闕知有高人翻玉笈異事傳聞怪者多
按圖索驥竟如何遂槎秋官勸我歌回頭台嶺高嵯峨
桐柏之英應未磨

用屠居士詩稿

卷一

四四明叢書

約園刊本

姚江黃稚圭秋雨中見過旣歸以七古見贈和原
韻卽送其之任鴛水

南雷正學源流長亭林夏峯遙相望甬上前賢多入室
蔽山俎豆傳馨香小泉翁旣不可作典型無復如中郎
遺書散漫孰收拾末學執卷增徬徨區區校勘力未及
敢效東溟補詩亡

梁洲先生宋元學案經未史謝山兩
先生續尊尙未成書稿本今在子處

久思補完
之不及也

覃思幸藉下帷客

謂董小
鈍也

助我尙廣求友章

何期雙瀑老孫子枉顧不勞置鄭莊黃茅白葦正彌望
忽見秀幹方崇強秋雨閉門共商榷足本擬續續鈔堂

從今剗剗庶可望告成五緯重輝煌

君力任與余共成學案謀卽入梓且

欲竊成宋鑑索借余平園攻媿諸集

嗟余輕情未能矯心憫俗學如風狂

淵源渺茫墮雲霧乃以絕港思葦杭謬種流傳轉相誤
惑人如蠱愚如偃迷途孰是不遠復頽波欲藉君手當
君今皋比擁南面重與祖學正封疆况當文獻聚集藪
聞見定足資精詳鷺水多宿學而竹垞棟堂諸家藏書當尚有存者心傳且當
溯伊洛雜學休令參荀揚明年春風被西浙鷺湖新燕
沙頭顏擔書襪被行假館宵鋌雨笠歡相將時哉努力
勿復失君不見君與我輩鬢髮皆蒼蒼

月船居士詩稿卷二

五四明鏡書

約園刊本

九月十五夜同伊哉小廂彩虹畫堂候濤山飲月

得吞南二字

客滿船酒滿尊晚潮逆向風頭奔客投山寺愁山黑海
月先客懸海門憑欄指點正奇絕頃刻忽被浮雲吞振
衣一喝雲倒走凌空孤鏡無纖痕海氣旣澄霽天亦浮
蔚藍五人一席踞斗南海若蛟室驚雄談吁嗟乎三秋
好月只今夜直到明歲誰能堪勝地勝侶若此不一醉
快事竊恐難再三簫聲急歌喉酣桂影長夜垂氍毹醉
眼瞪夢復何物唯見遠山閃閃眠金蠶

次曉觀旭得極天二字

風露無聲怒濤息僧房月牀夢不黑天雞喚客躡飛樓
曉色溶溶添月色點點漁燈漸漸收昨宵豪興今淡極
我告諸君有奇事月光寒射扶桑絕皎皎白玉宇朱霞
吐新鮮素娥故按轡絳節趨而前霎時萬壑頓一暗水
氣火氣相熬煎赤濁黃黑煙燄竭書然一聲海面金盆
懸飛潛草木一一含殊彩靈光直透毛竅入萬有四千
火龍敢威風伯倚扇萬里肅肅生晴煙六合新出紅爐
圓道人前坐起呵欠雙手揩目神炯然一日一月東西

天

鐵如意歌爲倪九山作

鐵不可屈而如意百鍊之剛已繞指君胡爲乎握中揮
之清談代麈尾吾人讀書志聖賢近來雜學充人閒請
君一擊百家碎獨抱剛氣橫秋天慎勿輕向紅珊瑚區
區取勝看錢奴

大雪韭山招登天封塔歸飲書船三弟齋中醉後

走筆

我恨不如煮石農夜半乘雪登高峯振衣一喝驚耳聾

又恨不如歐兗公挈侶微屨遊神嵩歸途妓衣載酒從
破帽躑躅城市中眼悲玉屑飛蒿蓬繞舍浪走街西東
故人豪興欣相從金梯攀盡踞天封憑眺差足開心胸
但見海山閃遙空水晶獻出龍王宮鱗鱗原隰刻鏤工
大笑造化今日乃玲瓏鬚髯結漸耳刮風齋頭一吸倒
盡玻璃鍾頓覺頭腦生暖烘起來呵硯走凍鋒窗前簌
簌撲玉蟲詩成狂叫凌長虹癡雲漸散花未融更期新
月聽清鐘

由壘果寺登鳳山絕頂

用唐居士詩稿卷二

七四明叢書

約園刊本

江頭秋風吹客衣珊珊瘦骨凌翠微松濤怒處石磴開
古寺寒寂無塵埃或臥或起堆羣羊駭視未既來平岡
岡頭望盡天一角人蟻舟葉屋螺殼江折海壘圍繞之
越山吳岫青差差畫樓雀舫煩追尋昔往游讎乃蹄泐
未脫人閒已如此雲中仙眼復奚似

五十初度愚軒贈長句走筆報謝

江城寒雨鳴湍急病客蕭齋作蟲蟄溼薪吹竈滿窗煙
忽忽生朝當五十勦業何須鏡裏看行藏早晝灰無策
笑人不掛鄧禹齒逢時共厭虞翻骨唯君能愛我爲我

夜置酒簷雨燈花召賓友大纒細切出中廚不數黃梁
與春韭更爲我吟詩滾滾詞雲蛟浪走淋漓慷慨雜嘲
笑開闔變化無不有讀罷令人亂憂喜得喪未知竟誰
是男兒墮地在世網升沈豈盡關諸己束髮讀古經摧
顏低眉萬不能假如胸有萬卷書兼之家有萬金產揀
得山水窟花竹閒樓館繁絲雜雅吟紅袖映黃卷玉簫
金管畫船遊皓齒青娥錦被暖日唯飲酒千杯作詩千
首賓客吐虹蜺童僕趨左右欺人任爾作清談聽此誰
能勿願否惜哉我與君鬢髮各如此執鞭縱得猗頓豪

再船居士詩稿

卷二

八四明叢書

約園刊本

行樂已輸年少子我思與君再籌度萬事不如就穩著
明山高嵯峨其土美稻禾君與我但得薄田數畝傍茅
屋環以松杉梅竹桐桂皆成窠君兒孫輩耕且讀聽漁
樵人行且歌春秋佳日一二老人朱顏酡花閒水次垂
鬢髻閑與後輩溯先河舊聞軼事重編摩後生漸漸聽
記多閭閻薰染忘澆訛負勝不論甲乙科戶唯側弁經
史哦藹然桑梓畱太和華胥之國不是過經綸豈必輸
皋阿卽今官閑雖婆娑未免俯仰猶媿嬰較量是非理
則那但可歸則歸兮毋戀微祿徒蹉跎

題浦陽白石山房

張孟兼先生讀書處

長儒愚且戇次公醒亦狂鷹隼乘秋有本性雍容安得
如鸞鳳哀哉先生嫉惡懷剛腸一擊妖鳥反中傷佩草
雖負良友箴門弧早曜南離芒我曾讀先生傳今幸登
先生堂堂前堂後何所有稜稜瘦骨秀出南斗傍纖草
不敢活孳狐無處藏斗泥寸土盡剗削屹如底柱獨立
河流黃慟哭記冬青行想當此筆慨以慷先生注慟哭
記及冬青行
紛紛山花不掛眼相對惟有百尺孤峭凌風霜作爲文
章亦秀削森森矛戟生鋒鈍青田與潛溪一時相頡頏

唐書上詩稿卷一

九四明叢書

新開刊本

惜哉不得死餘論多商量

方正學王舟
州俱有餘論

人生一死要各

落所當溫和未必勝剛強君不見遭毒手投要荒劉宋
宗臣尙如此劫火安得逃崑岡士生不幸後三季直道
久矣難激揚所以古之人南山之石縱可爛釣竿終不
離滄浪

喜雨歌爲汪明府作用王半菴韻

橫陽山水清且滑橫陽土地膏且黏自公下車閱五載
風雨歲歲常和甘今年早禾更豐熟家家堆稻齊屋簷
平原一望晚苞綠頗怪火傘張炎炎桔槔嘔啞響晝夜

鵝鴟卷舌蛟龍潛民力何辭汗沾體公心已覺憂如燠
封章上奏亦報可小雨纔得飛廉織滄然雲氣出翠岫
狂風卷盡天如藍是時轉盼卽秋到焦原龜坼農奚堪
公心顧此益憔悴朝步夕拜驚閭閻精誠所至感一氣
川巒應候生秋嵐蓬蓬勃勃起大北洋洋灑灑昆山西
初聞菡溪山鋸聲透出青嶸巖倏覩南鴈宕移來白雲
洞前之玉簾絲絲銀河翻織室灑灑蛟室懸冰髯滲之
漉之盡沾足海若屏氣收湖鹽龍骨珊然掛屋椽虎頭
底用投江潭滿篝滿車行看老少擁捆載船載快靚頭

用船居士詩稿

卷二

十四明鼓書

約園刊本

尾銜笑我冷官久閑散捫腹私慶飽石甌亦欲作詩播
謠頌媿無筆力供鐫鐫裏東有詩豪淋漓大筆乘酒酣
快如涼風驟雨當炎晝突然砒轟澎湃颯松杉快哉鼓
掌不覺叫奇絕勉爲學步蹙縮終懷慚

與張尙可孫湘遊郭壇菴次尙可韻

我懶逢人只思睡惟愛遊山差遣累擡頭便覺心胸開
何況支筇探幽邃但恨聯鑣少臭味蹉跎空望雲中寺
長公抱材坐緇帷鐵石心腸偏嫉媚聞我登臨興亦豪
翩翩閑取春衫試晚紅茅舍尙留春一逕軟沙若無地

天陰更覺草樹幽頭白猶誇腰腳利況有洗耳玉琴鳴
兼之夾道蒼官侍粗茶一盞亦娛人舌木何妨吸空翠
傳聞此山當典午一卷仙囊跡曾寄驅鹿應曾到海涯
鳩爪無從辨真僞我生惜後二千年不得相從笙鶴戲
空中縹緲往來試爲招之拈笛吹清遊已作竟日歡
好句還傳吾輩意不須題字碧紗籠縱有山僧不識字

張二潛哉見子和其兄尚可次韻見寄再次前韻

探珠偶得驪龍睡一皮苦爲豐狐累從來高士達世情
豹隱不厭南山邃我今託跡幸荒閑如老頭陀住破寺

月船居士詩稿卷二

十四明叢書

約園刊本

朽株豈復著春華冷眼幾曾看俗媚但憂兀坐筋肉驚
時時好將雙腳試寰中五嶽未登臨寧甘竟置無用地
茲遊山行數里耳差喜山僧忘勢利汨汨清泉出谷迎
磊磊澗石環階侍山光春盡漸空濛樹色夏交加鮮翠
千年遺跡屬渺茫屢和清詩興所寄吁嗟古來賢愚同
泯滅玉石誰能辨真僞不獨翰墨非丈夫偶建功勳亦
兒戲譬如空中飄鴻毛南北東西任風吹何如竟作汗
漫遊黃鵠再舉真快意安能終日守一窗頭白眼眇羗

文字

時閱諸生卷處
煩故戲及之

孫德澗表弟聞浮石周行端有古琴二以所畜舫
易得之囑蔣樗菴作歌記其事予爲同賦

孫郎置酒清秋月手捧瑤琴出示客自言近日學安絃
徒嗜名材若飢渴浮石周子字行端久畜雙琴甚愛惜
聞之屢索屢掉頭苦乏連城易趙璧家有新製木蘭舟
一朝乘輿西郊遊偶逢周子喜動色意欲同坐當中流
吾家阿咸爲緩頰彼此曷各慰所求周子首肯竟抱送
移歸置之齋西頭我聞其言起摩挲歎息孫郎得計多
新舟易製古琴難相較奚啻百倍過又歎周君真瀟灑

月船居士詩稿 卷二

十二四明叢書

約開刊本

萬事絲毫無芥蒂千金脫手贈知音一葉凌空獨清快
語罷周君乘舟至入座備述琴終始醉中橫膝彈數行
翻然依舊乘舟逝吁嗟二子嗜好馬牛風佳話直可千
載同但愁孫郎異日藝絕工世上未必鍾期逢徒以冰
炭置胸中曷若扁舟乘長風徑度天地超鴻濛曷若扁
舟乘長風徑度天地超鴻濛

再和樗菴原韻

落落高情誰復寄雷鳴瓦釜黃鍾棄貪常嗜瑣過一生
問舍求田枉干計孫郎稽古今與居嗜好頗覺酸鹹殊

一作檮菴座下客家有
大屋皆藏書造舟不如
閘峴數
流水高山已知趣深
情更望與鍾期走覓
名材蘭雙跗
一朝對客冷揮琴雷
三世可依稀白云得
此頗不易
乃以青翰易將歸檮
菴欣然發嘲弄妙緒
如絲蘭扣甕
我也枯腸方澀縫安
得豪吟與君共君如
期我和君歌
我欲偕君萬里波有
舟載月更載酒盡將
世事付漁蓑

題錢明府維喬竹初庵圖

茫茫元氣歸萬古竹
萌桃花一時吐是誰
遊心物象先
擬結茅菴依佛祖披
圖令我開心顏宛似
曾逢指顧閒

月船居士詩稿 卷二

十三四 明叢書
約刊本

袞袞塵土那有此得
非仙嶠相追攀我聞
吳興劉尚書
衡山爲作神樓圖縱
然無地起樓臺圖成
便是仙人居
使君自圖圖更好巖
壑層層奪天巧別有
槃礴寫神姿
不用遊山攜窈窕明
州相傳稱佛國男耕
耘兮女紡績
使君靜坐橫素琴山
川草樹添春色桃花
渡口紅斑斑
洞天毛竹風珊珊偶
然揮酒慰初抱想見
政成人亦閑
我生有志在山水齒
髮彫疏今老矣年來
終乏草堂資
只願長在春風裏

竹初明府招集小林棲賞紅梅分韻得居字

西亭花竹煙雲疏

王荆

羔羊之齋紅芙蓉

范石

吾鄉名

宦多大賢每吟遺詠徒躊躇南蘭公子名孝廉政成三
載談笑餘詩情畫意夢泉石東鄰買地置屋廬廬前種
梅復種竹苔痕石暈手自鋤先春臘雪入春雨梅得吐
氣紅雲舒欣欣有客咸奏集脫略行跡忘簪裾翦韭正
當簷影細入座恍疑高人居花愛主人主愛客酣酣醉
態曠階除酒闌鐙炮更鼓發主人執客投瓊瑤梅魂詩
魂飛空谷意欲拂衣賦遂初噫嘻生才貴有用安得高
枕眠菰蘆能知愛花愛客意便足舉世登華胥偶然小
集亦千載客坐且幸牽連書但期籀龍頭角長不辭小
摘置園蔬

和樗菴夜坐懷望槎韻

拾遺感遇思林臥步兵有懷彈琴坐蓬蓬奇氣鬱中宵
發爲高吟激頽惰我方披衣攬星漢草堂螢火添數个
低頭默誦蔣生詩斯道早喜斯人賀

賀與荷通
見五代史

望槎欲

以孟敵韓交情不讓柳易播年來應吟懶成癖敢以偏
師當兩大獨念朋游仗切磋文字何須拾餘唾侯生盡
罷沮洳釣季女且守南山餓講堂帶草已淒淒問誰仍

守分年課辦香自昔有南豐月旦今時任馬磨及門終
望一鏡傳下筆休誇萬卷破吾儕抵死事雕蟲不見南
箕不可簸

冬日登松臺山和鄭二荅湖元韻

江城紅樹催客詩霜天拂拂薰風吹山前有山行不遠
客中送客任所之疏疏之松落落石佳處乃在不險奇
江山坐領得其要我欲摹寫慚格卑鄭公縱筆任所性
江洋自放千頃陂不負剖柑發佳興豪快似飲紅玻璃
因思世事那可料起滅變幻如弈棋高臺繡局昔大宅
敗牆荒塹今枯池想當漢議護龍眷其時明室方重熙
炙手可熱曾何有柱礎寒雨枯淋漓富貴究竟盡如此
士於貧賤其嗟咨況我癖王之後裔君亦醉後老畫師
齷齪且安食無肉杏園姑置題名碑人生唯有交朋山
水不可少龍湫鴈宕曩約須及時

題畫晉松

育王寺前松傳聞是晉樹借問誰從典午來看到今日
長如此須知松樹本無年其年祇在行人口吁嗟樹壽
不如人人能自立真不朽

月船居士詩稿卷一

月船居士詩稿

卷一

六四明叢書

約園刊本

月船居士詩稿卷三

清蘊 盧鎬配京撰

五言律

和范二荔軒春日步城東至城北感懷鹽官舊游

元韻四首

山雪經今積微風暫放晴春風生海角遊屐屬東城芳
草隨人上江流對掌平斜陽留晚照衣袂有餘情
廢圃何人到西林鳥亂鳴石欄低茶稜枯枿架瓜棚韻
事懷前輩閑雲淡我生何妨重結構小閣聽江聲

月船居士詩稿卷三

三

四明叢書
約園刊本

韻事年何減吟詩興復橫雲霞漸紅暖花鳥欲清明登
榼留巖磴奚錢綴露英從今須屢約容我放歌清

覆盜門前路晚春花最多記曾聯鞍馬弔古問漁叢不

謂蘆溝餞隨聞丹荔歌因君重搔首神理竟如何

末章懷李

連州也連州先爲鹽官廣文庚辰歲以卓異至京曾與子聯騎豐台看芍藥

江干望遠山

天門山色好遠勝玉芙蓉焉得木蘭棹輕風縱所如空
江疑拾翠餐秀勝觀書淡月潮生處悠然思有餘

冬日南村偶書四首

落日空田上，頽然瘦影長。
草零幽徑失，村晚歲功藏。
四遠孤喬樹，天空貼鴈行。
始知搖落後，天地更蒼茫。
亂山不可畫，溪水亦無名。
紅葉村村雜，寒鴉點點明。
霜濃天著色，霞綺日留情。
賴有煙雲變，窮鄉慰此生。
何日幽居遂，平皋卽目欣。
過橋聽鶯語，擇樹看禽分。
采甲添新綠，楓人笑晚暉。
春風常不斷，霜下有南熏。
暮色從何至，蒼蒼一片平。
煙生山欲去，人遠月空明。
天入風霜老，詩成夢寐清。
何須問衡霍，世外亦兼名。

送錢九田還諸暨二首

凡船居士詩稿 卷三

一四明叢書
約閣刊本

志越留住話

黃文潔公晚思卜居於越號志越公

因君興更濃，聽談山五

洩如見瀑千重，奇麗供高眼。
雲霞定滿胸，從來不世士。
雅意在攜筇。

煮石山農宅，梅花今在無。
異時懷霸略，長欲訪遺區。
落日明斤嶺，霜風淨鑑湖。
須君爲地主，容我叩茅廬。

送董小鈍之安州二首

冬寒常不解，春柳漸風和。
正好尋花事，其如君別何。
十年完著述，匹馬向關河。
此去并州道，逢迎應更多。
醉翁門下士，寥落幾人存。
嗟我尤衰廢，期君共討論。
相

期千載事莫忘生平言講席有新得因風寄莫諼

雙桐齋賞牡丹二首

湖上騷壇將蒼顏似渥丹花光常滿屋座客欲忘寒富
或慙金谷詩應擅錦官玉樓紅暖處促席許盤桓
韻事年來減風流僅若人柳棉爭撲地錦幄獨藏春斯
世誰依舊惟花不厭新醉遊復何處排闥莫辭頻

登吳山龍王廟看桂因尋南山諸勝三首

種翠亭道士山房

桂樹花開候吳山士女多千聲厭雜還一徑入煙蘿越

月船居士詩稿卷三

三四明藏書
約圖刊本

岫凌松出江檣映竹過寫經如可住不要換羣鷄

雲居寺

屢到吳山上雲居到未曾薜蘿山曲曲桑柘石層層鐵

笛聲全杳

寺旁有鐵
崖讀書處

麻鞋跡可尋

寺藏中
峯麻鞋

人間幽絕處

不必探岐嶒

瑞凝觀

吾輩欣初到荒祠怡落成背依疏樹瘦面抱一湖明亭
觀棲黃鶴笙歌徹紫清紛紛羶附輩到此說長生

白菊

不屑寄離下蕭然獨出塵正宜送酒使恰愛對山人香
逗江梅晚鬢添鬢髮新誰能當晚節終不受淄磷

連日苦雨十五日晚霽登錢塘學後土山

積雨竟長夜晚晴猶晨光崎嶇獨登眺煙日正蒼茫宿
潤留帆影歸雲讓鴈行冰輪離海處凝望是江鄉

立秋前三日五鼓將步趨雨墮忽快雨如注喜賦

併簡汪明府

月明方啓牖缺雨送秋涼默聽松濤靜微知荷氣香綠
苞肥晚稻黃被慰琴堂好待南塘滿攜罇泛野航

月船居士詩稿卷三

四十四明嚴書

約園刊本

遊寶興寺

水掛層層石松門一路幽閑雲猶戀樹破寺卻宜秋叢
竹依荒雀寒花點廢疇布金須長者回首語同游

宿石筍寺次早將遊仙姑洞遇雨還宿寺中

溪頭石路滑零雨更濛濛仍返招提宿難窺玉女峯莫
愁三里霧且待五更鐘月姊窗前報雲窗已啓封

小鈍五兄任粵西不得見者十餘年聞自那地令

秦安望其便道歸里得以握手病中知徑赴新

任因作小詩奉懷且答其去歲見憶之作三首

千載相期士十年南海隈今聞向秦隴匹馬又邊台古
塞足吟思殘黎藉幹才

時秦安經
逆同之擾

雜詩如有擬應寄故

人來

摧頽嗟予甚兼以病無聊髮爲儒官白心因藥裏耗蠶

魚殘舊卷羅雀斷新交

里中交好
如晨星矣

惟有耳聾子時來破

寂寥

謂榜
菴

粉社先靈啓宰官賢且明滿城河水活一縣地圖清燕

說從人笑秦渠竟得成馳書報萬里亦足快平生

今歲
邑侯

錢公與子輩參酌開喉濬河及修縣志事皆舉行小鈍
向力任開喉之事爲議者所阻今聞之想亦快意也

用船唐士詩稿卷三

五四明藏書

約園刊本

和韭山登塔辱承答二十韻復依韻和之

幽居多畜念懷舊涕沾膺前輩嗟無及時賢氣欲凌原

原與本本繼繼孰承承邈矣金空鑄夸哉酒似澠

用代
興意

束書皆伯魯御祿半孫宏不復論鴻乙誰能辨袷烝吾

衰雖已甚少事尙堪誨懷餅從人讀巾箱悉手膾露朝

子卷積雪夜一鐙凝未獲三餘用難忘七載矜蟲魚羅

瑣細材料供薪蒸焉得山居僻環之鏡水澄舟車罷馳

逐事業課魚菱身世箭中鳥功名木上曾但求情曠朗

甘謝骨飛騰雅詠馳霜兔枯腸索羽陵諧聲眞翼玉逐

射魏環朔涼月含新色秋香已滿滕從今唯痛飲事往
盡須懲搔首蒼茫外非君孰啓滕

七言律

追和前太常漢曉莊公卽事詩二首

噉噉北鴈帶邊愁眼底猶驚江上秋逐日杖應隨物化
失船壺更爲誰留朝潮夕汐枯雙眼紅樹青峯一白頭
爲問危顛枉無恙諸公地下待從游

萬木蕭條無限愁荒山遺老獨悲秋乾坤俯仰頓今昔
心髮短長商去畱欲向海王延一瓣懶從村婦想千頭

月船居士詩稿卷三

六四明藏書

約園刊本

長沙田下誰憑弔薄社猶聞帶血游

枕上聞大風口占

滿城擊柝湧春潮捲入狂風撼沈寥閃爍短鐙疑鬼物
飄搖孤館在波濤翻愁弱羽乘無力獨有星芒吹不消
紅旭清光平旦好九門天宇覺偏高

旅中對菊寄懷湖上諸子

草橋種爾想經年槐市風塵亦可憐競向擔頭覓顏色
那知籬下更嬋娟寒山繞郭高人宅秋水平湖花嶼船
爲問憧憧橋畔客共誰把盞夕陽天

入日同人遊拈華寺卽馮益都萬柳堂故址以梅
花入日草堂詩分韻三首

得花字

城南聯騎當人日薊北征衫感歲華沙徑暖風生菜甲
柳梢殘雪到僧家江頭春動思歸鴈天外寒分擇樹鴉
念我草堂新酒熟底教長負故園花

得堂字

回首東風綠野堂畫橋曲水亂雲荒路迷絕島從冰渡
石記流觴帶酒香花事尙遲春淡淡詩腸已熱眼茫茫

月能居士詩稿卷三

七四册鐵書

約園刊本

當年東閣風流甚珠履應能縱我狂

得日字

江南落梅飄兩三閒園挑菜初逢七一邱曲折巧藏春
萬柳輕盈弄晴日水榭曾聞金縷歌古香今吐青蓮室
暮鐘夕照更清疏一鉤新月林中小

萬柳堂之西
有夕照寺

酒旗二首和陳句山

曾仰明星天上招山城柳市見風標何妨野老爭餘席
閑引詩人度板橋眼看少年馳繡轂夢向往事換金貂
從今春雨江南路處處遊人挹滿瓢

樹頭一片春風香道傍流涎來渴羌謫仙遙看鵲頭綠
子美正愛鵝兒黃雨雪昏時其指點湖山好處主風光
吾鄉前輩亦好事酒熟花開招客嘗

戲成二首

有棄妻者冒予名在越中得妻事覺聞傳訟將
及予同人皆爲危之

奇男落拓豈終窮一卷何妨惹乃翁怪匿牀頭真魏武
遂疑漢代兩王中楚台自昔原無夢漢幟誰知竟有功
欲嫁官人休錯假顏公寂寞怨西風

用屠居士詩稿

卷三

八四明叢書

約園刊本

熟魏生張竟不猜劉郎錯認到天台蓬頭久已慙王霸
薄行人空說伯喈有虎俄傳市上口得牛將致邑人災
卻憐題柱原無分越女何妨輕笑來

九日病足擬登天封塔

獵獵西風菊滿頭醉攜童冠捫青邱煙凝九點浮滄海
潮接三韓是白秋空際恍聞笙下鶴人閒笑指蜃爲樓
諸公要不同流輩清泪寧隨江漢流

思訪菊

一榻蕭然是我秋黃華寧忍付悠悠孤香原不因風熱

佳色誰人泥露收，冒雨空修唐故事。盃與敢擬晉風流，
寒蟄瘦蛙知鄭重。憑仗詩情爲少留。

九日柳汀望槎見過招登高以脚疾不從越數日

望槎有詩寄懷和原韻

凌雲詞賦冠南台，蓬徑相從笑口開。抱膝何妨觀宇宙，
叩須休歎未嗟來。高吟且任狂，敝帽明歲吾當健。舉杯
所恨蹉跎嗟老大，驂爲我少徘徊。

祝耐軒大兄四十初度四首

橘紅柿綠記分甘

兄與予同庚，兄常謂子曰：「柿綠時是吾生日，橘紅時則弟生日矣。」

少

月船居士詩稿卷三

九四明藏書

約園刊本

日分明在眼前，放學相呼騎竹馬。歲時並坐殿長筵，清
宵燈火書聲接。社巷衣冠步武連，賢者是兄愚者弟。不
期相對漸華顛。

高堂連喜得曾孫，挽髻翩翩出里門。此日敢云鄉黨羨，
他時猶記古風存。諸郎修整巾衫雅，八節追隨禮數敦。
莫忘厥初真樸意，暇時舊德更重論。

層樓曲檻俯煙霞，遠翠南來映竹沙。因地巧安北苑石，
和雲新種馬塍花。月修雅宴聯花萼，午聽兒書響緯車。
心地閑時行樂永，底須辛苦鍊丹砂。

風露涼歸鴈序天芙蓉正綻菊將圓雲山滿座添清韻
花竹安和卜大年築室穿池真有興南舟北馬竟徒然
何年得傍西頭住弟勸兄酬萬事閑

秋雪二首和西林先生

忽驚秋柳復飛綿片片飛來灑稻田何處龍宮先試手
早聞鶴語訝今年雲霞斂盡千山紫金水相輝萬象鮮
似怕豔陽桃李笑故尋黃菊到籬邊

八月曾聞飛塞北蕭晨忽見到江南遠迷鴈影橫沙渚
添入蘆花覆釣菴疑是銀濤逐滾滾靜看黃葉共毵毵

月船居士詩稿卷三

十四期後辭
約圖刊本

詩家錯認梅枝綻幾欲攜筇嶺上探

過周石才故宅

相期茅屋老煙霞病裏喃喃興尙賒敗宅荒牆留鼠跡
竹風餘韻過鄰家花時冒雨拖遊屐雪夜空庭看煮茶
二十餘年清夢在可憐獨覺鬢邊華

石才名梁住子宅西相去數武性好奇愛遊佳山水
聞竇巖梅花盛開雨中扶屐而去一日往返可百里
許善爲茶事余過之則手取所蓄爐鼎烹佳茗至十
甌不倦也與子約住光溪部暑買山資已就緒而病

病叟尙向予喃喃結耜種植勿置越三日竟故矣年
纔二十二歲病前曾爲予手鈔鼓山先生行狀全謝
山太史見其楷法取之去後以其死予復令亡友李
信中重錄一冊奉太史易石才所鈔本藏於家

黃葉詩和稚圭作二首

暮歷江南處處村溪橋石徑掛疏根愛當碧嶂斜陽外
認得荒村夜雨痕遠共新橙垂竹塢平連霜稻映籬門
臨風莫怪瞿曇瘦塗抹休同年少論

數叢猶足翳恙蟬條布金風滿碧天密帶土牆真野秀

用常書士詩稿卷三

十一四明叢書

約選詩本

疏臨菊岸更幽妍淡麥雅稱蒹葭色寒影幾迷橋柚煙
濁酒蒼苔拌一醉乘秋且聽打門前

又二首

依稀柳嫩與柔柔誰信風光屬杪秋堅向風饕融蠟蒂
老爭霜豔鬪金鈎乘舟去愛水千里扶杖遊宜人白頭
何事少陵游目處惟知萬壑有楓稠

極目休悲玉露傷離離一色照中央青條他日辭浮豔
老圃同心有晚香天際荒蕪今古意雲中白鴈兩三行
年年點綴憑空態不使窮秋屬渺茫

鏡下菊影

一盞油燈讀楚詞背鏡千本出東籬靜依絳帙層層登
伴到殘燭漸漸移影偶搖時風掩冉暈當濃處墨淋漓
重排金燼添勾勒欲采芳馨寄所思

鏡中菊影

幽容何意鬪嬋娟偶向霜奩亦粲然一點不汙高士節
十分深愛美人憐箇中欲隱難爲隱幸少爭妍覺我妍
久擬籬邊徒老卻誰知也被寶光懸

水中菊影

月船居士詩稿卷三

十一西明叢書

初園刊本

伊人移住水中央采遺嗟天一方素手欲招迷上下
船頭空與久低昂南山遠浦沈蒼翠飛鳥空陂照夕陽
添得悠然真意好忘言直欲到柴桑

月下菊影

幽人裏露掇東籬滿眼娉婷忽自疑月裏閑田誰借種
瑤臺深夜更添枝天高煙斂孤開候竹瘦松癯同照時
想是陶公醉眠後石痕千古有香遺

浦陽十景和元侍制柳公貫元韻

仙華峯雪

掃盡塵寰濁霧濛白毫千丈透玲瓏蓮宮捧出青霄外
玉闕高懸紫極中欲採瓊華烹石鼎幾時元化採幽鴻
乘槎若得通銀浦不學迴舟訪戴公

寶掌冷泉

阿耨池分一勺甘兜羅綿裏挹飛泉快如佩劍能開石
潔比方諸忽瀉天擲瓦不來童子戲浣腸便會老僧禪
清涼絕勝金華露卻笑銅盤鑄漢年

月泉春誦

宋呂二先生
講學於此

遠從月窟湧山泉晦朔盈虛歲歷千雨笠魁儒曾接席

月峯居士詩稿卷三

十三十四冊叢書

約詞刊本

春園社興記當年波聲徐應絃歌節佳色深環芹藻筵
漠漠苔花埋古鬢誰思吾道久經天

東嶺秋陰

振袂翩然出市闌秋陰薄薄弄晴顏石琴響作兩三疊
淡墨寫成千萬山返照射紅川激澗濃雲襯綠樹爛斑
柴桑最愛東籬晚倦鳥歸時猶未還

白石湫雲

老龍鑿鑿作堂臬呼吸升潛躐瀨蒼萬戶豚蹄祈卽應
七鄉霖雨歲無荒如絲氣上遶鱗綠滿壁雲鋪沙色黃

素石蒼松祠宇古
蜿蜒時見戲清涼

龍峯孤塔

金烏玉兔任拋梭
鎮住人間東逝波
彩筆並山呈秀傑
古錐插漢占巍峩
近臨官道青旗繞
遙想經函白馬過
最是夜深梵唄靜
幾疑龍女侍盤陀

南江夕照

淡紅深翠雉樓孤
宛似唐人著色圖
幽寺磬藏雲掩暝
歸樵擔雜葉鮮枯
平林煙織家炊玉
石瀨波鳴魚跳珠
暝色蒼蒼從遠至
有人出郭尙提壺

月階居士稿卷三

十四四明叢書

約園刊本

潮溪夜漁

策策堂堂正繞缸
夜潮魚計似謀商
又宜炬引青楓岸
網趁月明白石梁
星黑鳴榔聲杳杳
更寒披笠霧茫茫
醉眠蘆渚雲深處
睡過扶桑放曉光

深畏江源

吳淵穎先生著書處

雲根乳竇纔傾盆
一出山來雲夢吞
學海幾曾辭點滴
龍門更自發崑崙
潛溪太史受業於淵穎先生
窮源孰到星辰近
逝

水徒驚派別繁
幸就先生桑梓地
支筇敢倦向西村

照靈仙蹟

祀軒轅帝少女

霓旌翠蓋降三清龍駕冰綳鶴刷翎雲帶鼎池紫霄氣
泉拖碧漢傍瑤星樹迎少女明珠灑絃響空山花霧零
真怪紛紛莫蘭桂和風甘雨是誰令

南鴈紀遊

穿東洞尋會文書院遺址見隔溪有衣冠數輩
提壺擊榼者隨其後蓋黃氏諸生知子入山
也喜賦

書堂寥閭蔽荒林歎息斯文孰嗣音憑眺祇應來我輩
追隨正喜集同心提壺擊榼來山外酌酒歌詩到夜深

月船居士詩稿

卷三

五十四明叢書

約園刊本

後日遺基新結構好將徽國榜重臨

出山乘簾數里至吳山吳天倫畱飲其家

溪流宕漾春雨餘沿溪直到幽人居山光層層圍屋角
水聲瀾瀾鳴階除蓋注冬釀陳老酒盤登曉網新鮮魚
結鄰往來可許否我欲洞中來著書

題坡南某氏小園二首

引得溪泉入院流更添巖石置溪頭灣灣雖似無多路
曲曲偏宜竟日遊兩岸巧栽花影密小橋斜接草亭幽
知君南鴈搜奇勝滿幅煙霞眼底收

亭臺底事擬公侯種菜聊爲閉戶謀全是田園真本色
偶加點綴便風流白蓮黃菊參差布春韭秋松次第收
從此南坡添勝事鳳皇巖畔小丹邱

清明偶書二首

客裏清明度八年不聞玉笛亦淒然柳能愛客偏多舞
花不逢人只自憐疊嶂夕陽跂石坐一鐙夜雨對松眠
無聊滋味真成慣觸緒難禁節物前

忍向他山聽杜鵑清明纔過卽殘年生憎山色凝眉黛
無奈泉聲替管絃酒到愁時偏易醒風當春盡過於顛

用唐王彥博卷三

十六四明叢書
總圖刊本

白頭孤客真無賴惟有灰心學坐禪

送邵太尊調任杭州代同寅武林朱鳳藻作二首

邵名齊然字澗谷由翰
林改郎官出知温州

館閣詞臣出剖符政成報最換名都江山自昔領王謝
風月於今繼白蘇臥治淮陽臻上理課經西蜀盛文儒
甌江棠蔭畱千載又聽吳山夾道呼

一介儒官久濫叨二天私幸荷鈞陶已爲屬吏親顏色
更作州民拜節旄花底六橋新雨露峯頭雙鴈紀恩膏
岸看授鉞承丹陛浙水東西徧覆燾

用清明偶書韻寄懷王景聞

節物愁人思渺然，倏驚判袂兩經年。
花如佳客畱難住，柳似衰身困即眠。
芳草屢尋攜手處，月波空泛曲欄前。
知君自有家園樂，未必馳懷到鄭瓊。

三月望後夜雨後與徐生鳳來泛舟東湖

東風吹上東山月，正照東湖水拍天。
不礙雲來微點綴，曾經雨洗更清妍。
遠鏡露屋村墟迥，密樹橫波荇藻牽。
小飲莫辭風露冷，幾回明月共乘船。

王半菴見借楞嚴經兼辱詩二首和原韻

用船居士詩稿卷三

十四明藏書

約圖刊本

飄零玉相未親逢

王勃如來成道記在飄零而未逢玉相

八識田爲故紙

封早愧多聞，非了義願從佛頂覓。
眞宗名場已覺童心盡，夢影猶牽世味濃。
教外果傳無漏法，屏除妻肉洗心從。

海內名流不易逢，一生鄙吝破塵封。
玄言世擅東西晉，妙義兼參南北宗。
淨得慧珠如月白，拈來麗句似花濃。
幸陪麈尾聞餘論，卻恨蹉跎十載從。

味軒詩

昆陽學會在鳳山，味巖之麓予居室未有名也。

偶讀劔南詩稿放翁嘗夢至一處名鳳山其尤
勝曰味軒夢中爲賦五律予因名室曰味軒并

賦七律四章

一鳳翩然下九天爲逢海島且迴旋
峩冠下照滄溟水

碧眼雙開劈沸泉

山下有鳳眼雙泉

竹影毵毵舒翠尾
松風朝

暮響冰絃舊遊彷彿猶能記
回首雲煙六百年

數峯迴抱獨成村
澗合東西曲繞門
種竹栽蓮儘瀟灑

攤書撥墨了朝昏
黃鸝白鷺參差集
綠柳紅桃次第繁

往昔若開丞相府
荒煙蔓草久傷魂

俗傳秦丞相在永嘉時欲卜此地爲

月船居士詩稿 卷三

十八四明叢書

約園刊本

宅陳彥才即
之巖爲學宮

不築沙隄住冷官
天公似與了詩緣
二林時送山中梵

左有東林寶林二寺

半畝頻窺水底天

泮池頗寬廣

一壑自誇眞富貴

九年已作小神仙
西峯更愛如冕繹
終古靈光自巋然

荆溪山在西純石巖巖子嘗謂其酷肖繹山而潘太史稼堂遊南鴈記已先及之

峭石巖巖境最奇
宛然鳳味飲清池
不隨雞鶩爭梁藻

獨抱文章自晏娛
萬里翹思雲路外
一聲長嘯月明時

卓菴眞箇知非夢
補得龜堂數首詩

放翁夢中詩久覓卓菴處是閒應可

雷

雨中坐龍湖書院張二潛哉以疊和味軒詩并再
疊韻自題白石山房詩見示走筆和之仍疊前

韻四首

漠漠江城梅雨天城西文室厭盤旋忽驚麗句連篇窟
如聽深山赴壑泉舉世競知長袖舞斯人能愛伯牙絃
壽山宅裏留清氣重觀英靈五百年

錦屏峯宅王官谷

壽山有趙舉別業在錦屏山卽司空表聖之王官谷也潛哉所居近之

仲蔚蓬蒿正塞門百首雅吟搜散逸

潛哉有昆陽百一咏搜羅極富

巾獨漉過朝昏暇追鄉里田園樂閑芟庭除松竹繁可

用船居士詩稿卷三

十九四明叢書

約園刊本

有小紅低唱否免教寂寞負詩魂

懶於本分覓微官壯歲消搖謝世緣經論曾參北海座

家山原是大羅天

潛哉爲桑菑甫入室而祖居則在永嘉大羅山

面溪背郭成

中隱鞭鳳笞鸞作散僊我正客懷寥落甚每逢握手便

欣然

苦吟聲雜雨絲絲想見田田碧滿池不惜衝泥并蹋水

就君遂隊且遨嬉頭毛早是年衰候風景還當夏淺時

等待碧筒招我飲爲君重和白蓮詩

去歲招賞荷花予曾有作

范莪亭以七律見寄步韻答之二首

來往交稀谷口莊詩來似見信音芳我慚尙作檀黃面
君早能抽錦繡腸世事看來俱可破人生熟處最難忘
何時百廢人間事併減詩囊與畫囊

看畫吟詩讀老莊更無餘事駐年芳偶將夢影拈枯管

那有槎枒出酒腸月老清機真罕匹

我亭前數日以檀等月畫贈予

園神韻更難忘君如憐我病摩詰更乞雲山貯藥囊

和蔣樗菴詠六如

露

樹如翠幄草如茵添得光華在曉晨生自根苗仍灌頂

用船居士詩稿卷三

十四明叢書

約園刊本

來從空際早離塵化成瓔珞千林網天降醍醐一味醇
只有金盤盛得住試從雲表得其真

電

地黑天昏正可疑中天一綫獨昭垂乍當雨勢初來候
最怕雷聲欲破時莫道須臾驚瞥眼須知真宰不停吹
世人見電始知電電在無形識者誰

夢

何須夢覺費思量我有匡牀卽蜨牀破枕片時千里獨
炊梁熟候百年忙楊花一任飛天遠鶴背何妨縱我狂

無夢不如還有夢從來夢境最蒼茫

幻

精精原只是空空收得奇功自變通鍊石補天非假語
煎膠黏日有真工偃師不用驚周穆襄野惟須問牧童
幻處是真君識否日光只在亂雲中

抱

不作波濤恐世驚戲將涓滴博微名一漚大海真全現
千古文章時變更玉韞方流隨水折風來月暈向空生
無心一任天鈞播我自秋江萬里平

影

空齋寥寂獨支頤願汝渾疑杖一枝但有光明長作伴
偶當幽暗或相辭臨川不與波流蕩入鏡寧同火日馳
千億化身無兩樣須知處處是天隨

鄭研薌以詩招賞玉蘭和原韻卻寄

閉閣頻緝前代書暇招文士集精廬百年喬木門闌舊
二月風光花事初極欲勉爲年少樂誰知病且故交疏

蘭桂虛筠願
鑑沙俱在座

新詩玉雪應堪比莫惜餘香更寄予

和桂虛筠十三疊玉蘭唱和詩韻見懷

三年不見故人書，秀句欣傳到敝廬。
顧我蹉跎空白首，羨君才藻過黃初。
漏舟自愧風帆健，秋樹誰憐病葉疏。
不是名園有雅集，幾乎名姓已忘予。
虛筠三年不寄寸札而此番詩外又未嘗問及寒暄且齏齏至十三始見懷及僕正如唐人之逢樵夫聊充詩料耳故戲及之

月船居士詩稿卷四

清蘄 盧鎬配京撰

七言絕句

金陵憶遊

予以丙子歲遊金陵於今三年睽念未置今秋
病腓几榻之間前塵影影自京口泝長江以及
舊都登臨觴詠與同舟所覩俱一一默爲經歷
偶有所得輒以短句記之共得廿八首遂別成
一什以證觀河之見予於斯實再遊金陵矣

月船居士詩稿卷四

四明叢書
約園刊本

金山

砥柱人間萬穴流三山海外自沈浮
鱗雪浪紛回首
禾夜魚龍百怪愁

甘露寺

岡頭片石定三分誰說英雄有使君
煙雨南朝誇好句
憑欄猶恨少風雲

京口

雲中江樹渡頭煙山上樓臺海外船
拾得米家圖畫意
偶成詩句亦蒼然

儀真晚泊

刻刻蘆洲水作田土牆泥屋柳垂簷日斜記得移舟處
素足銀釵極可憐

長江月夜

一鑑空空月不流無江無我亦無舟月光童子徒多事
水觀何須作意修

雨花臺

雨花臺上日沈時江北羣山淡若眉十丈生綃誰畫得
翠霞紅暈碧琉璃

鍾山

鍾山不與大江東紫翠崔嵬占太空誰說江山成半壁
中原雄秀更誰同

舊內

禾黍秋風五鳳樓玉橋賸水咽銅溝從教賦盡三都麗
難免蕪城一段愁

板橋

春風燕子柳絲絲紅板橋頭颺酒旗撥亂木蘭舟上客
倚舷唱斷斷腸詩

周孝侯臺

一片心畱萬古臺爭墩枉自費談諧江山魂豔誰消得
越石扶風太白杯

清涼寺

江南江北碧參差古寺幽宮六代遺我愛金陵真古淡
西湖鉛粉太宜時

莫愁湖

莫愁湖水似荊州借問荊州有此否若見冶城山一帶
莫愁那得更無愁

用船居士詩稿卷四

三四朝藏書

約園刊本

烏龍潭

涓園爲方侍郎望溪著書處
侍郎嘗於潭中面榭築一墩

綠潭松竹自成村多少樓臺晝掩門最愛涓園書帶草
碧蓮花裏謝公墩

石城夜泛

玉樹歌殘三閣蕪鐵窗頻見暮潮枯長畱天地惟詩句
白水空城露滴珠

六朝松

荒榛敗竹壓枯池中有千年龍鳳姿風雨不隨金粉劫
鐵柯如雪影離離

鳳皇臺

昔人感愴鳳皇遊鳳去烏衣六代愁竹實梧桐招不得
岐山聞得亦悠悠

秦淮曉泛

燕尾舟名一人持雙槳輕輕浪不沾芙蓉初日露厭厭畫樓兩

岸朱霞綺玉鏡臺懸五色簾

大功坊

坊今爲布政司行省門左有慧炤菴門榜刻尚書署名徐弘基

羊角朱絲冠百僚大功故事說前朝憑誰爲作伽藍記
認取殘灰劫未消

月船唐詩稿卷四

四四明叢書

約園刊本

孝陵

茂苑牛羊墓上登冬青休哭滅魚燈巍峩宮闕蔥蘢樹
誰道興王異代陵

靈谷寺

子遊時及銀杏初熟僧人曰此樹曾經高皇以玉帶圍之果皆作痕與他樹所

生不同

落葉蕭蕭踏寺門蒼苔崖徑古雲屯老僧勸客嘗銀杏
中有先朝玉帶痕

雞鳴山晚眺

片月餘霞白練飛湖山樓閣變霏微文章已悟家家玉

不向陰何乞錦機

大隱園

子寓居地也
在鳳凰臺左

雲根亭角響芭蕉一片詩腸付寂寥
爲問鳳凰臺畔宅青鐙亂映雨瀟瀟

別金陵

離樽尙自戀長亭船尾西風強
客登月白夢殘京口樹恨教一醉失金陵

虎邱夜泊聞箏

檣鐙列宿柳梢頭劒氣何從問
斗牛水面繁箏清似水

用船居士詩稿卷四

五

四明叢書
約園刊本

江南兒女慣能愁

宴蔣氏園回舟

簫鼓中流畫楫迴千年勝賞說蘇臺
閭門鐙火長如晝誰道遊人暗換來

石湖

黃稻青山紅葉村

淡青山色深黃
稻石湖句也

家家酒熟掩籬門人

生縱合蘇州住不向金闔惹俗喧

吳興舟中

千里波穿一徑斜風帆瑟瑟向蘆花
船窗秋影圖書靜

宛在江南處士家

錢塘江中遇潮

羽旗犀甲白皚皚，屑雨崩雲海上來。
一棹中流大自在，平驅組練笑談回。

河閒道上

城郭蒼茫日正斜，柳隄草色亂煙華。
垂鞭不動輕蹄疾，少婦歸軒繫杏花。

十三夜看鐙和章二簾堂原韻四首

騎鯨一夜到天臺，鼉背冰花萬樹開。
月欲團圓風不動

月船居士詩稿卷四

六十四期藏書
約園刊本

游人漸向玉壺來

瑞雪曾看暗玉河，太平添唱踏鐙歌。
人間分得連珠影

到處雲生璧彩多

去年屢降瑞雪元日太史
奏五星連珠日月合璧

月窟偏懸萬顆星，碧空猶見五雲停。
不知何處催春急

羯鼓聲中火樹青

柳葉梅梢句法新，風光領略是初巡。
醉歌更作連宵約

踏遍天涯處處塵

宋人詠十三夜有
柳葉梅梢之句

趙北口偶書

寒水茫茫浸晚山，汀橋隄路柳毵毵。
行人莫作西湖看

紅蓼曾經限契丹

五峯書齋偶作

春來此日覺微曠樹有晴暉水有紋帶雪煙嵐千萬狀
得時風鴈兩三羣

記夢三首

綠霧沈沈畫掩關畫叉誰響玉連環記憑紅袖春風手
指點河陽一角山

閣筆低眉略費思綠鬟風影看調脂知君長恨春歸早
添作桃花三兩枝

用船居士詩稿卷四

七四朝藏書

約園刊本

鶯花已付雨絲絲空對青山淡岩姿那有閒情到粉墨
玉煙深處夢題詩

題邱至山百十二家墨譜四首

墨非取白放翁語磨墨磨人坡老詩君今太癡癡正佳

聚瓦障麗等兒嬉

放翁詩墨
取黑非白

結眊坐憂脾肉消蠟屐意在名山遙達人愛物物外超

醉翁豈必貪醇醪

我亭龜手裝牘背

我亭聚明人尺牘至
數千紙皆手自裝潢

見畫吾欲傾家

資等是消磨白晝事與君三癖倩誰醫

用董小鈍
記中意

中州金石滿蒿萊下馬摩挲亦快哉
滿篋揄麈剛用著
何妨搨盡漢碑來
時至山有
中州之行

又二首

瓦池葦管破芭蕉
夢筆還思破寂寥
欲乞鴉鬢磨碗汁
濃薰覆被潤枯焦

錦囊懷袖向君憚
賸得方家玉半丸
只爲遠山餘韻在

晴窗留取鏡中看

子所藏墨多半贈至山有方於魯羅漢寫經墨重七兩至山屢索子于以

亡室遺物
不欲與之

至山從京中以書索王仲山畫遺詩以附之二首

月船居士詩稿卷四

八四明叢書
約園刊本

梅花細雨坐無聊
遠道書來破寂寥
不道書來無別話

雲山奪我去迢迢

仲山遺墨最清疏
儒者風流不可無
爲報故人須珍惜

莫將明月喪泥塗

雙桐齋集飲木犀花下和九山原韻八首

叢桂曾聞招隱篇
對花飲酒倍茫然
山中秋色知無限

誤逐春風二十年

縱有此香無此花
思陵畫扇乍傳誇
園亭海內爭栽徧

那及吾州是外家

首句翻用胡副
使詠丹桂句

海棠豔色最堪憐每共扁舟繫柳邊爲問凝香賢刺史

月光可記故鄉圓

齋前海棠極盛子屢與臨江太守表丈李滙川飲其下

騷經初蕙別名筒更說椒連名士風

菌桂一名筒桂釋書云椒桂連則名

士服食不須如桂父主人身在月當中

主人於中秋前壽屆七旬

香深粟粟照林丹

思陵題扇句

月戶三千種亦難我欲驂鸞

向銀闕可能畱客到更闌

平泉樹石近文饒試乞霜枝與露條已倩倪迂圖宅子

白沙翠竹映湖橋

意欲與主人卜鄰規其西偏隙地

四鄰柳色喜蒼蒼那得魏樓與畫堂菜圃竹籬茅蓋屋

甲子唐士壽稿卷四

九西明叢書

約園刊本

上梁竊恐愧兒郎

古人上梁文首句必用兒郎偉三字

縱許芳根爲我移檢書還少草堂貴辛勤一屋非容易

且向尊前折數枝

雙桐齋賞花次日於齋之西偏隅得隙地韭山間

之卽和賞花原韻見寄再和以報之八首

亡羊臧穀兩徒然曾記蒙莊駢拇篇書策困人原不了

且教種菜過殘年

數聲長笛四時花勝似書城南面誇留得相牛經一卷

他年或可列農家

藁虻風目互相憐色相由來忌落邊
覓得山林神始王也應智識未曾圓

淵源史宥與經筒湖上前賢有舊風
卻愧老來初認字須防載酒到亭中

梅舒白玉桂飛丹老幹倉皇欲買難
且覓琅玕栽隙地先教翠影覆門闌

草徑疏疏野趣饒休尋九陌與三條
君如雪夜能相訪但認虹橋與板橋

因循已近髮毛蒼始擬書堂與畫堂
拋卻雲山無別物

月船居士詩稿 卷四

十四明叢書

約園刊本

漫郎原不比山郎

屈指欣將家具移只愁家具少財資
他時湖上尋佳話或有魚歌譜竹枝

題畫堂弟射獵圖小照二首

田獵能令人發狂君今安坐射圍場
指揮能事歸鷹犬閑看奚奴掣馬韉

生擊黃獐曹景宗鼻頭出火耳生風
男兒在世不稱意安得快馬馳西東

耐軒哥五十初度六首

花底稱觴在眼前，壁頭詩句尚依然。大哥四十初度時曾作七律四首奉

祝老來日月眞彈指，一樣秋光又十年。

觀魚種竹日相羊，安樂眞爲卻老方。欲識養生看養樹，

池亭秀色鬱蒼蒼。

爾我休驚鬢已絲，膝前儘可作兒嬉。老父與叔母幸皆康健人間

日作斑衣舞烏兔，奔忙也不知。

骨肉團圓舉彩觴，秋堂風露喜新涼。尊前不用薰婆律，

香名見香譜繡褙香兼桂子香。兄舉第二孫

參差兒女各成行，百草春來自吐芳。試看淵明有五子，

用船居士詩稿卷四 十一 荆明叢書 約園刊本

何曾礙卻北窗涼。

歎我生如馬少游，君今才氣正清秋。拏雲事業休嫌晚，

那得成名盡黑頭。

正月三日經亡友范冲一墓下三首。在五嶺之西

曾共青燈商萬卷，今來山腳見孤墳。交徧知名天下士，

規模廣闊不如君。

著書今日近如何，夢裏精魂炯不磨。爲報故人襟倒甚，

年來潑墨與高歌。前年于夢冬齋於途中把袂，索于著述笑曰：別後君所作幾何？于年來潦

倒之甚，惟度曲寫盡而已。無以報我故人也。

雙韭山房畫捲簾藏書爾我共題籤老梧摧折鳳巢散
隻影伶仃已十年

冬齋以辛未去世謝
山太史於乙亥繼之

題徐經廳小照

江山從古說東嘉吏散空庭正放衙書卷半牀花半樹
分明風月屬君家

偶書

秋雨秋風工熟眠醒來秋水滿階前情知此後秋光好
且待秋晴去放船

冬日過寶林寺見梅花盛開偶題四絕

月塘居士詩稿 卷四

十二四明勝覽

約園刊本

西風尖利喜初晴鄰寺聊爲散漫行松竹滿山沈翠影
梅花一樹獨分明

老幹柯槎出翠苔老僧自說手親栽我亦故園曾種得
不知今日幾多開

孤山舊樹已無存補種穉梅枉自繁爭似海山幽絕處
依稀風格月黃昏

尋常籬落有花叢佛國清香迥不同我寫佛經無供養
一枝拗插短瓶中

黃箴舫夜坐書懷用汪明府怡亭雜詠原韻十首

誰能暑月卻懷霜夜坐空亭幽思長
曉月未沈剛盟漱
鳳山煙岫逗微陽

戲魚蓮葉倏西東影漾庭前地數弓
只爲花多微礙步
卻緣松矮偶低躬

疏疏蟬喚出高林也有階蛩斷續音
最愛松聲常不歇
無朝無暮作龍吟

流螢雨後竹閒過水面金波鑿薄羅
彷彿洞庭秋夜泊
菰蘆深處聽吳歌

茅屋雲籬傍石窗桃花如錦吠仙龍
而今海外徒漂泊

月船居士詩稿

卷四

十三

四明叢書

約園刊本

借得漁家煙雨艖

荳花清露滴編籬落落疏襟永夜披
北斗漸低河漢沒
曉星寥落似殘棋

沈舟曾記柁難開妬殺千帆陣陣來
今日懸椎插十指
宛然沙際獨徘徊

浮沈仕隱在人閒贏得官閒意亦閒
魂魄磊自知消未得
與來隨筆掃江山

少年書卷映鎧屏夜半低迷眼未醒
頭白始知無用處
閒眠月牖與風櫺

富貴神仙兩未成
鉛刀眾裏笑錚錚
休嗟仕宦居人後
尙欠幽居不用名

李生索題畫葡萄醉後走筆二首

熱雲如火汗如漿
指畫求題向渴羌
安得飽餐三百顆
一時肺腑頓清涼

勻圓萬顆掛枝頭
引蔓牽藤風露秋
鼠輩只知貪飽食
那能釀酒博涼州

車中口占

數陣芭蕉葉上聞
南風吹散嶺頭雲
紅霞綠樹涼如水

角野居士詩稿 卷四

十四 明叢書

約園刊本

縱未爲霖也解紛

除夕偶書七首

又是一三兩三忽到四十有五
何來著述等身靜思過
不勝補

梅花半樹高士水仙數窠
美人空山伴我除夕餘香直
到新春

三盞兩盞已醉一更二更漸除
無色無聲無味有花有
竹有書

窮鬼不須送司命
不須醉浩歌
無古今天地任位置

爆竹轟轟雜鼓過山城竟夕也喧譁誰知官舍如僧舍
爐火深深獨煮茶

窗前山石自層層醉後鏡前喚不應松竹不知年歲改
滿山搖曳只風聲

目帶殘書入夢魂布衾重疊也深溫初雞已是醒來後
除夕誰家早閉門

題方生炳南父璞菴娛清軒四首

橫陽海曲接銅梁

卽銅山見唐陳陶詩

怪石重林塞昊蒼中有平

田平似掌仙人樓館對扶桑

月船居士詩稿卷四

五十四明樓書

約園刊本

謝公遊屐忘歸纔得清暉染客衣怎似全家住雲壑
卧看夕鷲與朝霏

山村水窟愛徜徉遊客搜奇屬渺茫略領風光眞實處
男勤耕讀女蠶桑

一軒三面集峯巒放眼煙波萬里寬我欲就君拌痛飲
海門紅旭醉中看

夜起獨坐西洞見月色

遊山人倦醉矇矓洞口癡雲亦竟封夜半酒醒神朗健
起看西月照東峯

偶書二首

自嫌拙性向汙疏鑽盡經書用著無與世周旋了朝夕
欲從何處覓真吾

已聽黃鸝復聽蟬替人走腳過年年何由辦得農家具
自向山頭種己田

病愈往賜輿溪畔釣魚五首

瑟瑟西風病骨輕溪流曲曲向人明雖無雪浪奔千尺
遇著巉巖也不平

喚得溪童理釣絲寸餘纔得判鱗鬚也知取笑任公子

用樂府古詩補卷四

十六 四明叢書

約園刊本

東海茫茫未可期

寸泥土盡甘藷淨得連山松竹無絕少菁蔥娛遊客

備荒終覺是良圖

平邑山皆種藷絕少翠色遊者病之然明徐閩老玄扈著農書極言種

藷藷之利且勸人於隙地皆當栽之講實學者正不能廢也

竟日無人可往還自攜瘦策聽潺潺耳根似覺從前別
聽到聲非水石閒

搖落何須宋玉悲

平地冬暖樹不甚凋落

離離稻色映清陂小桃

已作明年計試放深紅三兩枝

前倉看紅葉因宿洞洋寺夜半以公事下山口占

偶尋紅樹向江邊直上高峯正醉眠夜半矇眊下山去
微自到底不如閒

春日與鳳來泛舟郭外二首

輕舟兀兀水鱗鱗野寺村橋次第巡竹外桃花溪畔柳
風光隨處愛閒人

榮麥連天大地春偶逢桃李亦天真相逢盡是耕樵輩
絕喜初無遊冶人

題三弟書船圖五首

破屋蕭蕭四面塵載書忽滿洛陽津但將書籍論貧富

舟船唐士壽稱卷四

十七四明藏書
約圖刊本

今古何曾有幾人

孟東野喜玉川書船
歸洛詩貧孟忽不貧

喚得扁舟載五車

見玉川詩
目號也

用意竟何如家中三

傳束高閣

見昌黎贈
玉川詩

好向人閒覓異書

平生亦愛書千卷近日徒消酒數杯我若有船惟載月
不將隻字到靈臺

莫將時日付浮沈收得奇功在寸心一卷圯橋封萬戶

漫誇書癖與書淫

河流萬古去渾渾多少縹緗浪裏翻

謂隋末明
季之亂

賴得孟

家倪改詩一首吾家書脈至今存

題劉豔畫蘭二首

一自春深聽子規，年年樓上只孤羈。
王孫未有鷗波畫，卻令劉姬勝管姬。
薰爐酒椀儘從容，誰信湘江憔悴同。
怪道佳人惆悵甚，國香零落不成叢。

詠瓶花六首

茫茫紅紫徧天涯，老病頽然臥在家。
滿眼春光存底處，矮瓶斜插數枝花。

縱然紅紫徧天涯，桃李原無兩樣花。
數朶卽同千萬朶，

用船屠士詩稿卷四

十六四朝叢書

約園刊本

何妨閉戶閱年華

樹頭幾見得經旬，暮落朝開旋作塵。
喜伴幽人住密室，藥爐經卷伴長春。

海棠桃杏競先開，魏紫姚黃次第來。
瓶是莊生齊物處，不分公相及與臺。

梅花開後到今茲，昏曉長爲擁被時。
不是瓶花報春信，幾忘節物有推移。

滿城春水漲新河，遲日輕風天漸和。
好看家家臨水次，扁舟處處試經過。

坡河久淤，塞今春錢明府開三喉疏，濬各處至四月將告竣，而子病亦可。

愈矣故末
章及之

屢思遊光溪而一病累月竟不果鑿下作書消遣

因題

抱病兼旬不出門春光想已徧山村何時得踏光溪路
一洗矇矓睡眠昏

又題畫

竹密松疏薜荔牆青溪碧嶂繞茅堂人生得此消長夏
底用崎嶇覓帝鄉

開河總局設在漫浦應氏其後屋爲松梧閣舊址

用船唐詩補卷四

十九四明叢書

約園刊本

主人李甘谷世法呆堂之孫東門之子也余弱
冠時曾過之主人病中尙擁被媿媿說砌街文
獻不置歿後數載其屋竟歸應氏今松梧老樹
無一存者爲之追感二首

綠遮門巷午陰繁茶話欣然到日昏猶有故家風味在
徧數朝士到貞元

比屋魚鹽茅葦同笑談無復有前風數株老樹何闕礙
也竟難留古巷中

書船三弟贈予古磁二報以莫雲卿墨跡系之以

詩卽試書船新得蕉白硯

把盞獨開眞境界古竈入手更精神報君至臘冬和腳
不是通微院體新

余畫梅本無師法當歲暮思鄉率意作梅花消遣
畫竟題云又畫梅花過一冬好事者百字元競
索之以爲年例去春歸里窮人惘惘并梅亦不
能作矣偶於書船處得此紙鐙下聊復寫此感
歎之餘更題一絕

九載煢煢處海陬寫梅聊以解離憂歸來更覺淒清甚

用船居士詩稿卷四

二十四明歲書

初圖刊本

縱寫梅花不解愁

題畫蘭竹石

莫嫌拳石魄且巖西竹東蘭左右扶多少空山牛犢角
風流有此畫圖無

題畫秋景

疊嶂層層半晦明秋陰淡淡畫難成獨憐樹影蕭蕭外
高嶺奇奇天際橫

秋夜無聊偶作畫并題

悶守書卷欲如何讀史兼之感慨多焉得孤亭一長嘯

興亡盡付與江波

重九前二日風雨獨坐因思舊遊率意作此非敢

云畫也

策策西風戰紙窗挑燈獨坐雨淙淙十年台岩遊如昨
猶記孤亭看雪灑

久不到天童燈下憶及寫短幅并題

行盡青松二十里山心突兀出蓮宮憶曾寺外青關坐
流水聲中月夜鐘

秋半燈下作畫并題二首

月船居士詩稿 卷四

三十四明藏書
約圖 刊本

生平不慣圖春夏惟有秋山與我宜莫怪未能渲染法
原來率意本無師

如燈取影水懸空略有依稀筆墨踪四壁一燈秋夜靜
夢魂猶在萬山中

平陽署中作畫寄莪亭并題

故人遠道寄來書問我年來作畫無檢得蠶餘三兩紙
向來一味只粗疏

題畫春景

盎盎春光淡淡山遠雲雜樹水灣灣筆端要自浮元氣

正在無心有意間

昆陽學舍種竹成林秋夜風雨獨坐黃篔簹聽之
清沁心脾別來不知誰愛此君也秋夜枕上聞
風雨聲思之不勝淒絕因吹鐙寫數竿以寫意
并題

山齋池畔叢叢竹慣聽中宵秋雨聲此夜挑鐙誰伴汝
空教千里獨關情

初冬醉後戲墨并題

信手塗來不自持是山是水豈曾知時人休笑無師法

月船居士詩稿

卷四

三四明叢書

約園刊本

贖墨枯毫偶作之

病中作山水小幅并題

偶拈短幅慰蕭條石壁松聲也自高只爲欲留不盡意
半邊亭子半跟橋

月船居士詩稿卷四

附錄

書月船居士詩後

西莊王鳴盛

剔蘚拖筇得得行三條五劇未忘情金臺一片寒沙闕
誰念江東飯顆生

驢車辛苦打包來記得春明往復回廿載行藏多落拓
爲君畫盡一爐灰

宋五平生坦適時萬言杯水少人知看花自是尋常事
他日休吟東野詩

逸氣橫空生馬駒玄言簡淡澤中臞敢言天下惟吾愛

月船居士詩稿

附錄

一四明叢書

約園刊本

且喜同心頗不孤

蓬山清話

九山倪象占

先生學無所不窺少時日與同里楊爾音鬪取書中隱
僻事爲樂作詩隨興揮就不檢韻部故時有出入處嘗
謂予曰向作詩成屬友人范冲一正韻否則改之本予
所欲言不耐爲之局也其胸中落落多如此書法脫灑
可喜小楷極秀勁蓋初以拙而學之甚勤遂造佳境嘗
戲謂予曰不料我書法能至此較爲仙尙樂也亦喜作
畫畫必在醉後燈下作之秃筆焦墨如亂髮如攢蟻浪

峯叢薄稍存位置興盡卽止或綴詩其上聽人取去有
謂之者予曰畫正如此作也如以爲不然者只在坊市
中覓之可矣司諭平陽日予在瑞安嘗過飛雲渡訪之
見其摘取諸子精語手錄成帙時正及譚峭化書也

余與月船交垂四十年每有所著必互相質今君已下
世嗣子姬水屬小鈍選錄其詩小鈍復委余參定于嘗
作君誌備言君一生學術自愧不能測所至又何敢輕
有然否其閒然君平日雅以余爲鹽石且集中所載半
經見示之作樽酒細論宛如昨日而君墓有宿草矣閱
畢更書數語以復小鈍知其惻然感山陽舊事也同學
弟樗庵蔣學鏞題

王子春余攝令端溪其地出研石俗頗好事搜刻古書
籍婦人女子皆能業劖劖余乃搜篋衍得所錄月船先
生詩若干首付之梓昔韓文公集爲其婿李漢所校錄
余少居先生甥館竊見先生浩浩落落舍古茹今務爲
無所不窺口不雌黃人物而不可一世之概時露于停
樽掩卷之餘世亦莫得而知也先生歿余方欲輯其生
平著述彙而傳之歲月易逝來者難期余且以不習爲
吏風波震撼漂泊無定所乃僅刻其所錄以當西州之
慟嗚呼所以傳先生者如是而已乎是歲閏月之吉黃

月船詩稿跋

一四明敬書

刻圖刊本

定文敬跋

月船居士詩稿卷四

四明叢書

四明叢書
約園刊本

四明叢書

四明叢書
約園刊本